

**Uunga siunnersuut Nunatta kujataani aalisarnermut nunamilu inuussutissarsiornikkut periarfissanik tikkuaallunilu suussusersisussamik Naalakkersuisut UKA2019-imi saqqummiunneqartussamik nassuiaasiornissaat pillugu Inatsisartuni aalajangiiffigisassatut siunnersuut.**

*Aqqaluaq B. Egedemit, Inuit Ataqatigiit, saqqummiunneqartoq pillugu*

**Aalisarnermut Piniarnermut Nunalerinermullu Ataatsimiititaliap**

**siunnersuutip aappassaaneerneqarnissaanut**

**ISUMALIUTISSIISSUTAA**

Ataatsimiititaliap suliarinninnermini kingullermi ilaasortarai:

Inatsisartut ilaasortaq Henrik Fleischer, Siumut, Siulittaasoq  
Inatsisartut ilaasortaq Aqqaluaq B. Egede, Inuit Ataqatigiit, Siulittaasup tullia  
Inatsisartut ilaasortaq Karl-Kristian Kruse, Siumut  
Inatsisartut ilaasortaq Steen Lynge, Demokraatit  
Inatsisartut ilaasortaq Jens Danielsen, Siumut  
Inatsisartut ilaasortaq Múte Bourup Egede, Inuit Ataqatigiit  
Inatsisartut ilaasortaq Hans Enoksen, Partii Naleraq

Ulloq 1. november UKA2018-imi siullermeerinninnerup kingorna Ataatsimiititaliap siunnersuut misissorpaa.

**Siunnersuutip imarisai siunertaalu**

Kommunip suli inuerukkaluttuinnarnera pinngitsoortinniarlugu Kommune Kujallermi immikkut iliuuseqartoqarnissaa, siunnersuuteqartoq isumaqarpoq.

Aalisarnermut nunamilu inuussutissarsiornikkut periarfissanik tikkuaallunilu suussusersisussamik Naalakkersuisut piumaffigineqaqqullugit nalunaarusiorfigineqarnissaa, siunnersuuteqartup kissaatigaa.

**Siunnersuutip Inatsisartuni siullermeerneqarnera**

Siunnersuutip siunertaa tungaviatigut tapersorsorneqarpoq aammalu siunnersuutip siullermeerutigineqarnerani uummaarissamik atituumillu oqallisigineqarpoq. Taamaattoq

nalunaarusiornissaq iluarsiiissutissatut isumaqatigiissutigineqanngilaq. Qanoq iliuuseqartoqarnissamut tunngavilersuuteqartoqarpoq nalunaarusiornissaq pisariaqartinneqarsorineqanngitsoq kisiannili qanoq iliuuseqartoqassasoq. Aammattaaq nunap immikkoortortaa tamanna nukissaatinik arlalinnik aningaasanik pilersuinikkut iluarsiiisutaasinnaasunik isumaqartoqarpoq imaluunniit misileraalluni raajarniartitsinermik, saarullinnik saattuanilluunniit ammaassinikkut. Maannamut periarfissat pioreersut innersuussutigalugit, Naalakkersuisunit siunnersuut itigartinneqartussanngorlugu innersuuppaat.

Tamanna tunuliaqutaralugu siunnersuummut allannguutissamik isumaqatigiissusiortoqarnissaa pillugu siunnersuut Aalisarnermut, Piniarnermut Nunalerinermullu ataatsimiititaliami suliarineqartussanngortinneqarpoq, soorlu allannguutissatut siunnersuummik.

### **Apeqqutit**

Ataatsimiititaliap siunnersuummik suliaqarnermini atugassaminik Aalisarnermut, Piniarnermut Nunalerinermullu Naalakkersuisoq apeqqutinik arlalinnik akissuteqaqqullugu qinnuigigaa. Ataatsimiititaliap apeqqutaasa Naalakkersuisullu akissutaasa assilineri isumaliutissiisummut matumunnga ilanngussatut ilanngunneqarput.

### **Siunnersiineq**

Ataatsimiititaliaq siunnersuummik suliarinninnerminut atatillugu Aalisarnermut, Piniarnermut Nunalerinermullu Naalakkersuisumik siunnersiivoq. Siunnersiunerimut aggeqqusissutip aammalu Aalisarnermut, Piniarnermut Nunalerinermullu Naalakkersuisup oqaasissaanut najoqqutassiap assilineri isumaliutissiisummut matumunnga ilanngussatut ilanngunneqarput.

### **Ataatsimiititaliap siunnersuummik suliarinninnera**

Kommuni Kujallerimi ineriartorneq pitsaasoq tapersorsorneqassappat partiit assigiinngitsunik siunnersuuteqarsimapput politikkikkut qanoq iliuuseqarnikkut, Ataatsimiititaliaq isumaqarpoq.

Nunap ilaani pitsaasumik ineriartorerup siumut aallarnissaa pillugu immikkut ittumik suliniummik aallarniisoqassasoq, siunnersuut Inatsisartuni partiit arlallit amerlanerussuteqartut siunnersuutip piviusunngortinneqarnissaa tapersorsorpaat politikkikkut tapersorsorneqarmat, aammattaaq imaattumik kissaateqartoqartoq Ataatsimiititaliap maluginiarpaa. Innuttaasut nunaqarfinnit noorarnerat aamma illoqarfinnit minnerniit illoqarfinnut annernut nuttarneq imaluunniit nunanut allanut nuttarneq, nunamut tamarmut atuuttoq, Ataatsimiititaliap nassuerutigaa. Taamaattoq ajornartorsiut nutaajunngilaq minnerunngitsumik nuttarneq ukiuni arlalinni atugaamat, pisorlu Kommune Kujallerimut immikkuullarittuusooq, Ataatsimiititaliaq isumaqarpoq.

Annertunerusumik misileraalluni aalisartoqarnissaanut ammaanissaq aamma nunap ilaani pisassiinissamut periarfissiisoqassasoq aammalu Kalaallit Nunaata Kujataani pisoq pitsaanngitsoq illuanut saatsinniarlugu qanoq suliniuteqartoqassasoq Inersuarmi oqallisigineqarpoq. Nunalerinermut Ataatsimiititaliarsuup februar 2014-meersumi isumaliuutissiissutaani inassuteqaatit Naalakkersuisunit malinneqassasut, tamassuma saniatigut siunnersuutigineqarpoq. Nunalerinikkut piujuartitsisumik aningaasaliisoqassasoq pilersitsineq tunngaviatigut 190 – 240 miliuunit koruunit akornanni aningaasaliiffigineqartumik, ukiuni 20-ni imaluunniit qulini piffissaliilluni, isumaliutissiissummi ilaatigut inassutigineqarpoq<sup>1</sup>.

Nunap ilaanut aalajangersimasumik amerlanerusunik pisassiinissamik periarfissiinissamut tunngatillugu Naalakkersuisut akissuteqarput, periarfissaq tamanna pissutsinik arlalinnik pisariaqartitsisuummat, imaappoq pinngortitamut tunngasunik siunnersorneqartarnek, nunat assigiinngitsut akornanni aalisarnikkut isumaqatigiissutit, kiisalu aalisakkat assigiinngitsut pisassiissutaasartut imaluunniit pissuseqatigiit, MSC-mik allagartalerneqarsimasut. Piujuartitsinissaq eqqarsaatigalugu aalisarneq pillugu siunnersorneqarneq aamma nunat assigiinngitsut akornanni isumaqatigiissutit eqqortinnissaat pingaaruteqartuusoq Naalakkersuisut tamanna pillugu isumaqatigineqartut, Ataatsimiititaliaq tassunnga paasinnippoq.

Siunnersuutip taama iluseqarluni Inatsisartunit akuerineqarnissaa Ataatsimiititaliap isumaqatigiittup inassutigaa:

**Inatsisit atuuttut tunngavigalugit Nunatta kitaani kujataanilu, Nunatta qanittuani kangerlunnilu rejenik aalisakkanillu allanik aalisarluni misileraatitsineq kiisalu nunalerinermik uumasuuteqarnermillu inuussutissarsiornerup siuarsarneqarnissaa siunertaralugu Naalakkersuisut suliaqaqqullugit peqquneqarnissaat pillugu Inatsisartut aalajangiiffigisassaattut siunnersuut.**

**Ataatsimiititaliap inassuteqaatai**

**Ataatsimmiititaliap isumaqatigiittup allanngutissatut siunnersuutip akuerineqarnissaa inassutigaaa.**

<sup>1</sup> Immikk. “Nunatsinni nunalerinerup aningaasarsiornikkut nammassinnaanerulernissaanut tunngavissaq pillugu ataatsimiititaliarsuup eqqarsaasersuutai” Kalaallisuuani qupp. 119.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.




Henrik Fleischer  
Siulittaasoq




Aqqaluaq B. Egede  
Siulittaasup tullia



Karl-Kristian Kruse



Steen Lyng



Jens Danielsen



Múte Bourup Egede



Hans Enoksen



INATSISARTUT

## Ilanngussaq Bilag

Aalisarnermut, Piniarnermut Nunalerinermullu  
Naalakkersuisoq  
Nikkulaat Jeremiassen

Ulloq: 24-11-2018  
J.nr.: 01.36.01.04-00035

apnn@nanoq.gl

### **Aalisarnermut, Piniarnermut Nunalerinermullu Ataatsimiititaliamit sapaammi ulloq 25. november 2018, nal. 13.30 ataatsimiittarfik Erling Høeghimi siunersiorneqarnissamut aggeqqusissut**

Aalisarnermut, Piniarnermut Nunalerinermullu Ataatsimiititaliap Aalisarnermut, Piniarnermut Nunalerinermullu Naalakkersuisoq matumuuna siunersiorneqarnissamut aggersarparaa.

Siunersiuinerimi Upernavimmi, Ittoqqortoormiini Tasiilamilu aalisartut piniartullu atugaasa kiisalu nunatta kujataani pissutsit oqaluuserineqarnissaat ataatsimiititaliamit kissaatigineqarpoq.

Upernavimmi, Uummannami, Ittoqqortoormiini Tasiilamilu aalisartut piniartullu pissutsit atugaat eqqarsaatigalugit qilalukkanik qernertanik qaqortanilu pisassiissutit agguataagaanerat aammalu piffinni taaneqartuni piniagassatigut periarfissat ataatsimiititaliamit soqutigineqarput. Tunumi qilalukkanik qaqortaqqanngitsumi qilalukkanik qernertanik pisassiissutit kisimik paasinarsisinneqarnissaat ataatsimiititaliamit kissaatigineqarpoq.

1. Nunatta avannaani tunumilu qilalukkanik qernertanik qaqortanillu pisassiissutit agguataagaanerat qanoq ippa?
2. Nunatta avannaani tunumilu qilalukkanik qernertanik qaqortanillu pisassiissutit piffinni sorlarni nungunneqarsimappat?
3. Nunap immikkoortoqarpa qilalukkanik qernertanik qaqortanillu pisassiissutinik nungutsiffiineq ajortunik aammalu taakku agguateqqinneqarnissaannut Naalakkersuisut qanoq periarfissaqarpat?
4. Qilalukkanik qernertanik qaqortanillu pisassiissutinik amerlanerusunik agguaassisalernissaq Naalakkersuisunit sulissutigineqarpat?
5. Nunatta avannaani qilalukkanik qernertanik qaqortanillu pisassiissutit ileqqutoqqat malillugit piniarneqartussat aammalu nalinginnaasumik piniarneqartussat qanoq agguataagaappat?
6. Qilalukkanik qaqortanik qernertanillu pisassiissutitigut killilersuinerit, amerlassusilikkat ikilisinneqarlutik (kvoter), piffissaliinikkut killilersuinerit kiisalu imartatsinni sumiiffikkuutaartumik killilersuinerit, Naalakkersuisut isumaqarpat killilersuinerit tamakku pissusissamisoortut?
7. Nunatta kujataani pissutsinut tunngatillugu nunalerineq aalisarnerlu eqqarsaatigalugit Naalakkersuisut qanoq pilersaaruteqarpat?

8. Tusagassiorfikkut nalunaarutigineqartumi oqaatigineqarpoq pisassiissutigineqartut Helga Mariamit aalisarneqarsinnaanerisa Kommune Kujallerup itigatitsissutigisimagaa, angallatip Aja Aajup ikkarlinnerata kingorna – Naalakkersuisut tassunga tunuliaqutaasoq nassuiaateqarfigisinnaavaa?
9. Aamma tassani tusagassiorfikkut nalunaarutigineqartumi oqaatigineqarpoq, Qaqortoq Fish ApS-ip qalerallit pisassiissutit pisassani Arctic Prime Fisheries-imut tunniunniagai Naalakkersuisut itigartitsissutigisimagaat. Naalakkersuisut tassunga itigartitsinermut tunuliaqutaasoq nassuiaateqarfigisinnaavaa?
10. Ataatsimiititaliamit apeqputigineqartuni sammineqartunut atatillugu ataatsimiititaliamit soqutigineqarsinnaasunik allanik Naalakkersuisut paasissutissiisnaappat?

Naalakkersuisumik apersuinermini malitseqartitsissutinik apeqquteqarnissani ataatsimiititaliap naatsorsuutigaa. Tusagassiuutinut nalunaarut uunga siunersiuinissamut qaaqqusissut ilanngunneqarpoq.

-----

Ataatsimiititaliap Naalakkersuisumik siunersiuinerata Aalisarnermut, Piniarnermut Nunalerinermullu Naalakkersuisup ataatsimiititaliallu akornanni pingaarnersiuilluni tullerriaarinerit anguniakkallu pillugit naalakkersuinermut tunngasumik oqaloqatigiinnertut sapinngisamik iluseqartinneqartarnissaa ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik siunersiuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik siunersiuinerata kinguninngua uunga nassiuinneqarnissaa qinnutigineqarpoq: [annl@ina.gl](mailto:annl@ina.gl). Allakkiap ataatsimiititaliap Naalakkersuisumik siunersiuineranut nassarneqarpat atorneqarpallu taassuma nuutinnera ataatsimiititaliap Naalakkersuisumik siunersiuinerata aallartinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Inussiarnersumik inuulluaqqusillunga



Henrik Fleischer

Ataatsimiititaliap siulittaasua

**Kommune Kujalleq:**

**Aalisartut tunisassiorfimmilu sulisut suliinnarnissaminnut periarfissinneqartariaqarput Qaqortoq Fish ApS-ip angallataa "AJA AAJU" ikkarlinini pissutigalugu angallat "HELGA MARIA" attartorlugu saarullitassaminik aalisarnissamut qinnuteqaataa Aalisarnermut Naalackersuisoqarfiup itigartitsissutigaa.**

*-Naalackersuisoqarfiup aalajangernera Kommune Kujallermiit assorsuaq tupiguusuutigivarput tassami "HELGA MARIA" aalisartitseqatigiiffimmut saarullittassiissutit sinnerinik aalisartussangorlugu inatsisitigut immikkut akuerineqarnissamut periarfissaqartoq takusinnaagatsigu, Benjamin Kielsen Kommune Kujallermi Inuussutissarsiornermut Suliffeqarnermullu ataatsimiititaliami siulittaasup tullia taama oqarpoq.*

Naalackersuisoqarfimmiilli itigartitsissutigineqartoq taannaannaangilaq. Oktobarimmi 23-anni Qaqortoq Fish ApS qinnuteqarpoq qalerallitassani tunniunneqarsimasut aalisartitsiqatigiiffimmut suleqatigisaminut Arctic Primes Fisheriesimut tunniunneqassasut, taamaalilluni saarullitassat Qaqortumi suliffissaqartitsisussat aallunneqarsinnaangussammata, tamannali aamma Naalackersuisoqarfimmiit itigartitsissutigineqarpoq. Itigartitsinermili nalunaarutigineqarpoq qalerallitassiissutit sinneri aalisaaqatigiinnut allanut agguateqqinneqassasut.

*-Aalisartitseqatigiiffinnut Qaqortoq Fish ApS-imut aamma Arctic Prime Fisheriesimut aalisagartassiissutit kujataanut tulaassinissamut piumasaqaatitaqarput, taammaamat agguateqqinneqassagaluarpata kujataanut tulaassinissamut piumasaqaat atuutiinnassasoq Kommune Kujallermiit kissatigissavarput, Benjamin Kielsen oqarpoq nangillunilu.*

*-Aalisartitseqatigiiffiit allat ajornartorsiutitaqanngitsumik pisassaminnik paarlaattarnerat Kommune Kujallermi ilisimavarput, taammaamat Kommune Kujallermiit ajornaquteqanngitsumik taamaliortoqarsinnaanera isigaarput, tamannalu tamanut iluaqutissartaqarpoq. Aalisartitseqatigiiffiimmi pineqartut ingerlatsinerat pataajaallissaaq, taamalu kommunimi suliffissaqartitsinermik akileraarutigullu isaatitsinermik pilersitseqataassallutik, Benjamin Kielsen oqarpoq.*

Tamannarpiarlu pillugu Kommune Kujallermiit uggorineqarpoq qinnuteqaatinut marluusunut Aalisarnermut Naalackersuisoqarfiup itigartitsissuteqarnera.

*-Aalisarnermut naalackersuisoqarfiup itigartitsinera suliffippassuarnik nassataqartussaavoq, juullilerneranilu aalisartut tunisassiorfimmilu sulisut nammineq pilersorsinnaanerat killiliiffiginagu allatut aaqqiisoqartariaqarpoq. Tamanna peqqutigalugu ilungersorluinnarluta Aalisarnermut Naalackersuisoq qinnuiginiarparput aalisarneq pillugu Inatsisartut inatsisaani nr.18, 31 oktober 1996-imeersumi §6, imm. 6 naapertorlugu immikkut akuersisinnaatitaaneq atorlugu naalackersuisoqarfiup aalajangiinera akuliuffigeqqullugu, Benjamin Kielsen naggasiivoq.*

**Annertunerusumik paasiniaavissaq: Benjamin Kielsen, Kommune Kujallermi Inuussutissarsiornermut Suliffeqarnermullu ataatsimiititaliami siulittaasup tullia. Oqarasuaat +299 53 11 14 - E-mail: beki@kujalleq.gl**



Inatsisartut Aalisarnermut, Piniarnermut Nunalerinermullu Ataatsimiititaliaa  
Maani/

**25. november 2018-imi qilalukkat qaortat qernertallu kiisalu nunatta  
kujataani pissutsit pillugit siunersiorneqarnermut akissuteqaatit**

Dato: 24-11-2018  
Sags nr.: 2018 - 24489  
Akt. nr.: 9396331

Ataani atsiortoq Aalisarnermut, Piniarnermut Nunalerinermullu Ataatsimiititaliaamit siunersiorneqarnissamut sapaammi ulloq 25. november 2018 nal. 13:30 pisussamut ulloq 24. november 2018-imi tiguneqartukkut aggersarneqarpunga.

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apnn@nanoq.gl  
www.naalakkersuisut.gl

Siunersiuineri Upernavimmi, Ittoqqortoormiini Tasiilamilu aalisartut piniartullu atugaasa kiisalu nunatta kujataani pissutsit oqaluuserineqarnissaat ataatsimiititaliaamit kissaatigineqarpoq.

Upernavimmi, Ummannami, Ittoqqortoormiini Tasiilamilu aalisartut piniartullu pissutsit atugaat eqqarsaatigalugit qilalukkanik qernertanik qaortanilu pisassiissutit agguataagaanerat aammalu piffinni taaneqartuni piniagassatigut periarfissat ataatsimiititaliaamit soqutigineqarput. Tunumi qilalukkanik qaortaqanngitsumi qilalukkanik qernertanik pisassiissutit kisimik paasinarsisinneqarnissaat ataatsimiititaliaamit kissaatigineqarpoq.

*Ad 1. Nunatta avannaani tunumilu qilalukkanik qernertanik qaortanillu pisassiissutit agguataagaanerat qanoq ippa?*

Akissut:

2018-imi Avannaani Tunumilu qilalukkanut qernertanut qaortanullu pisassiissutit pillugit tusagassiutinut nalunaarut ilanngunneqartoq takuuk (ilanngussaq 1).

*Ad 2. Nunatta avannaani tunumilu qilalukkanik qernertanik qaortanillu pisassiissutit piffinni sorlarni nungunneqarsimappat?*

Akissut:

Kommune Qeqertalimmi, Tunumi Upernavimmilu qernertartassiissutit tamakkerneqareerput.



Avannaani qilalukkat qaortat qernertallu maannakkut piniarneqarluarmata pisat amerlassusaat nikeraannaavipput. Tunumi qernertartassiissutit tamakkerneqareerput, qaortanillu pisassiissuteqarnani.

Pisanut nalunaarutit pissarsiarisimasat naapertorlugit Kalaallit Nunaata Kitaani pisassiissutit sinneruttut imaapput:  
Excel takussutissiaq ilanngunneqartoq (ilanngussaq 2) takuuk, pisassiissutinik pisanillu takutitsisoq 13.11.2018.

Upernaviup Ilulissallu aqutsiveqarfianni sippuilluni pisaqartoqartarnerat atavartumik saaffiginnittoqartarpoq, APNN-imiillu misissorneqanngikkuni politii-nut nalunaarutigineqarnikuupput, qernertat eqqarsaatigalugit. Ummannamiit arlalinnik nalunaartoqarpoq pisat mattaajaannarlugit sinnerilu qimaannartakkat pillugit.

Eqqumaffigisariaqassaaq kommuniniit aqutsiveqarfinniilluunniit pisanit nalunaarutit ilaqqissinnaammata, taakkulu suli APNN-imut apuussimatik. Taamaattoqarnera takussutissiami eqqarsaatigisariaqassaaq.

*Ad 3. Nunap immikkoortoqarpa qilalukkanik qernertanik qaortanillu pisassiissutinik nungutsiffiunneq ajortunik aammalu taakku agguaa-teqqinneqarnissaannut Naalakkersuisut qanoq periarfissaqarpat?*

Akissut:

Qernertartassat Kommune Qeqertalimmi, Tunumi kiisalu aqutsiveqarfimmi Upernavimmi nungunnikuupput.

Nalunaarummi atuuttumi 2017-imeersumi § 11 malillugu kommunalbestyrelsi aqutsiveqarfiit iluanni agguasseqqinnissamut periarfissaqarpoq. Allaffissor-nikkut aqutsiveqarfinnut pisassiissutit aqunneqarnerat 2015-imi kommuninut tunniunneqarnikuuvoq.

Qilalukkat killeqarfii pillugit aalajangersakkat §§ 5, 6 aamma § 7, imm. 4 takuneqarsinnaapput.

Aammattaq agguasseqqinneq pillugu nalunaarummi aalajangersagaq § 11 imm. 3-6 takuneqarsinnaapput.

Qilalukkat qaortat:

Ukiuni arlalinni kingullernisuut Kitaani qilalukkat qaortartassiissutit sinneqarluarput, takussutissiaq ilanngussaq 2 takuuk.

Qaanaami aamma Savissivimmi qilalukkat qaqortartassiissutit eqqarsaatigalugit teknikikkut pisassiissutaapput piffinnut taakkunnga taamaallaat atuuttumik. Sinneqarsinnaapput, sumiiffiinnulli allanut nuunneqarsinnaanngillat.

Kitaani qaqortat eqqarsaatigalugit Naalackersuisut inunnut piniarnermut allagartalinnut Kullorsuarmiit Nunatta kitaata kujasinnerusunut sinneranut ammaasinnaapput, qilalugaqatigiit ataatsitut taaneqarmata, "Nunatta kitaata qaqortai"-mik taaguutilik annertuumillu sinneqarmat. Naalackersuisoq 2016-imi 2017-imilu piffissami killilikkami pisassiissutit ilaannaannut ammaassigaluarami. Tamanna pisanut nalunaarutit tiguneqarnikut malillugit kommuniniit atorluarneqarsimangilaq, ukiunilu taakkunani qaqortartassiissutit sinneqarluarsimallutik. 2018-imi assingusumik periarfissaq aamma soqutigineqarluarsimangilaq. Qilalukkat qernertat kisiisa soqutigineqarluartarsimapput, naak qaqortartassat sinneqarluartaraluartut.

Qilalukkat qernertat:

Ukiuni kingullernitut Nuummi, Paamiuni qernertartoqarsimangilaq, marlunnik pisasaqaraluarlutik. Aamma Qaqortoq, Narsaq Nanortalillu sisamanik qernertartassiinneqaraluarput. Qernertat qanoq kujavartiginerat apeqqutaatillugu Maniitsumi aamma Sisimiuni annikitsumik sinneqarnissaat naatsorsuutigineqarsinnaavoq, pisanut pisassiissutinullu takussutissiaq takuuk, tassani aamma sinneruttut imaluunniit tamakkerneqarnikut imaluunniit sipporneqarnikut takutittarpaat.

Sisimiuniit Nanortalimmut pisassiissutit pisarineqanngikkaluarpataluunniit nuunnissaat iluaqutissartaqanngilaq pissutigalugu Ilulissat aqutsiveqarfiani arfinilinnik sippuisoqarsimasinnaammat, tamanna maannakut APNN-imiit misissorneqarpoq. Aamma Upernavimmi sippuilluni pisaqartoqarsimasinnaavoq.

Upernavimmiit, Uummannamiit Qeqertarsuullu Tunuaniit kinaassutsiminik isertuisunik isertunngitsunillu unioqqutitsinerit pillugit nalunaarutininik APNN tigusaqartarpoq. Nalunaarutigineqartartut ilaatigut tassaapput qilalukkat mattaajaannariarlugit sinneri eqqarneqartartut imaluunniit pisaqarfimmi qimanneqartarlutik. Aammalu Upernaviup aqutsiveqarfiani aallaarsarinnittarnerit aamma nalunaarutigineqartarput.

*Ad 4. Qilalukkanik qernertanik qaqortanillu pisassiissutinik amerlane-rusunik agguaaassisalernissaq Naalackersuisunit sulissutigineqarpa?*

Akissut:

2018-imi pisassiissutit allanngortinnissaanut Naalackersuisut pilersaaruteqanngillat. Sinneqartut aqutsiveqarfiit iluanni qilalugaqatigiillu iluanni sinneqarunik agguasseqqissinnaapput. Ukioq tamaat tamanna sinneqarunik periarfissaraat.

*Ad 5. Nunatta avannaani qilalukkanik qernertanik qaqortanillu pisassiissutit illeqqutoqqat malillugit piniarneqartussat aammalu nalinginnaasumik piniarneqartussat qanoq agguataagaappat?*

Akissut:

Ilanngussaq 1 takuuk, tassani Nunatta avannaani ileqqutoqqat malillugit qilalugarniarnissamut qilalugartassiissutit qanoq amerlatiginersut takuneqarsinnaavoq. Kommunit imaluunniit aqutsiveqarfiit qaqortanik imaluunniit qernertanik qilalugartassiissutitik atunngitsuukkat ilaat ileqqutoqqat malillugit qilalugarniarnissamut qaqagukkulluunniit nuussisinnaapput. Tamannali aqutsiveqarfimmu pisassiissutit aamma qilalugaqatigiit iluani pissaq.

*Ad 6. Qilalukkanik qaqortanik qernertanillu pisassiissutitigut killilersuinerit, amerlassusilikkat ikilisinneqarlutik (kvoter), piffissaliniikkut killilersuinerit kiisalu imartatsinni sumiiffikkuutaartumik killilersuinerit, Naalackersuisut isumaqarpat killilersuinerit tamaku pissusissamisoorut?*

Akissut:

Ilanngussaq 1-imut innersuussisoqassaaq, tassani ersippoq qilalukkat qaqortat qernertallu pisassiissutitigut sumiiffikkuutaartumillu killersorneqartut. Piffissatigut killilersorneqanngillat, pisassiissuteqartillugu ukioq tamaat piniarneqarsinnaapput. Qilalugaqatigiit assigiinningsut naapertorlugit sumiiffikkuutaartumik pisassiisoqartarpoq, tamanna pingaarnertut piujuaannartitsisumik tunngaveqartumik pisassiisarneq kinguneqarsimavoq ass. Qaanaami, Ummannami Qeqertarsuullu Tunuani 2016-imi qernertartassiissutit amerlineqarsimaneranut taavalu Kitaani qaqortartassiissutit amerlineqarlutik. Maannamut Naalackersuisut isumaqarput nalunaarummi aalajangersakkat piujuaannartitsinissamut tunngavissiilluartaullutik aalajangersagaasut. Taamaattorli pisariaqartitsisoqarneratigut nalunaarut aqutsissutaasoq naleqqussarneqartuarsinnaalluni tamannalu pillugu Naalackersuisut nalilersuillutik aallartitsereerput.

*Ad 7. Nunatta kujataani pissutsinut tunngatillugu nunalerineq aalisarnerlu eqqarsaatigalugit Naalackersuisut qanoq pilersaaruteqarpat?*

Akissut:

Nunaateqarnermut inuussutissarsiuteqarnermut atatillugu sumiiffimmut immikkuullarissumik pilersaarusiartik (sektorplan) naammassiniarlugu Naalakkersuisut suliaqaleruttorput, siunissamut nunaateqarnermut inuussutissarsiuteqarnerup annerusumik iluanaaruteqarnerulernissaanut tunngaviususaaq, Taassuma sania-tigut Naalakkersuisut inuiaqatigiinnut atatillugu sunniutissanik nunaateqarnermut inuussutissarsiuteqarnermut atasunik suliaqarsimapput. Naalakkersuisut siu-nerarivaat paasissutissat taakkua ataqatigiisillugit katersorneqassasut savaate-qarnermullu siunnersorteqarfik peqatigalugu naatsorsuuteqarlutik, pineqartunut tulleriarinissamut pilersaarusiornissamik suleqatigiissuteqarnissamik. Suliaq tamanna 2019-imi ukiup affaa siulleg aallartissasoq naatsorsuutaavoq.

Naalakkersuisut UKA2018 imm. 168-mi Kalaallit Nunaata kujataani aali-sarnermut tunngatillugu allaaserisaqareerput, aalisakkanik tunisassiorneq ukiuni kingullerni annertuumik ineriartorpoq. Ineriartornerup annersaa aallaaveqarpoq saarullit pisassiissutigineqartut ilaat aalisartitseqatigiinnut periarfissiissutigine-qarneranni ilanngullugu pisassiissutit ilaat tulaassisussaatitaanermik pisus-saaffeqartinneqarnerat.

Tamanna kujataani aalisakkerinermik ingerlataqartut suliffeqarfiit annersaata Arctic Prime Fisheries-ip tunisassiorfini sulisuminut aalisariutinilu inuttaminut aningaasarsianut atortagaanni ersarinnerpaamik takuneqarsinnaavoq – tamatumanimi aningaasarsianut atorneqartartut ukiut kingullit tallimat ingerlaneranni ukiumut 50 mio. kr.-it sinnilaarlugit qaffariarnikuupput – sulilu qaffakkiartorlutik. Suliffeqarfiup kukkunersiuisuisa Deloitte-kkut naatsorsorpaat ukiumi naatsorsuusiortusumi 2017-imi Arctic Prime Fisheries-ip suliffiit ukioq naallugu suliffiusut 147-t pilersissimagai. Tamatuma malitsigisaanik, sulisut inuttallu amerlanersaasa Kommune Kujallermi angerlarsimaffeqartuunerat tunngavigalugu, ukiuni kingullerni akileraarutitigut kommunip isertittagai aamma malunnaateqarluartumik qaffariaateqarnikuupput.

Taamaalillunilu suliniutinik Nunatta Kujataanut iluaqutaasinnaasunik aallar-titsisoqareerpoq – avataasiortunut pisassiisarnikkut aamma umiatsiaaqqanik inuussutissarsiutitit pissarsinissamut atugassanik annikitsunik piumasaqar-tarnikkut.

*Ad 8. Tusagassiorfikket nalunaarutigineqartumi oqaatigineqarpoq pisas-siissutigineqartut Helga Mariamit aalisarneqarsinnaanerisa kom-mune Kujallerup itigartitsissutigisimagaa, angallatip Aja Aaju ikkarlinnerata kingorna – Naalakkersuisut tassunga tunuliaqu-taasoq nassuiaateqarfigisinnaavaa?*

Akissut:

Immikkut akuerineqarnissamut qinnuteqaateqarnermut itigartitsineq, islandimiut angallataat “HELGA MARIA” suliffeqarfiup Qaqortoq Fish ApS-ip saarullinnut pisassiissutigisaasa sinnerinik aalisarsinnaanissaanut § 6, imm. 6 malillugu “Naalackersuisut pissutsini immikkorluinnaq ittuni imm. 1-4-mi piumasarineqartut atorneqannginnissaannik akuersissuteqarsinnaapput, taamaaliorneq kalaallit aalisarnikkut inuussutissarsiornerannut imaluunniit Kalaallit Nunaanni suliffissuaqarnermut pingaaruteqarsorinaraangat.”

Naalackersuisoqarfiup nalilerpaa “immikkorluinneq ittuni” AJA AAJU-p amutsivimmiinneranut atorneqarsinnaanngitsaq, pissutigalugu suliffeqarfiit angallatiminnut atatillugu amutsivimmiititsisarneq naatsorsuutigisariaqarmassuk.

Kalaallit aalisarnikkut inuussutissarsiornerannut imaluunniit Kalaallit Nunaanni suliffissuaqarnermut tunngatillugit, taava arlalinnik Kalaallinik pigineqartunik suliffeqarfeqareerpoq, namminneq aalisariutaatilinnik, maannakkut aalisagartassaminnik nunguutsisimasunik imaluunniit nunguutsiliivissunik, Qaqortoq Fish-ip aalisarnerminni pisassiissutinik assinganik aalisartunik. Islandimiut angallataat akuerineqassagaluarpat, taava aalisariutit kalaallinit pigineqartut, Kalaallit Nunaannilu angerlarsimaffeqartut decemberimi isertitamikkut annaasaqassagaluarput.

Suliffissuaqarnermut tunngatillugu, taava Qaqortoq Fish-ip ingerlatseqatigiiffittut suleqatigisaa, Arctic Prime Fisheries ApS Kalaallit Nunaanni saarullinnik annertunerpaamik pisassiissuteqarput 7.644,7 tonsinik. Arctic Prime Fisheries septembarimi soorlu ukiuni siuliini taamaaliortarsimasut, qinnuteqarput pisassiissutiminniit 1.000 tonsit tulaassassaajunnaartillugit akuersissutigineqassasut. Ukioq manna naalackersuisoqarfiup aalajangiusimavaa Kalaallit Nunaata Kitaani aamma Tunumi tulaassassaaginnassasut. Taamaattumik maanna 830 tonsinik tulaassassanik saarullittassaqarput. Arctic Prime Fisheries ApS Tunumi saarullinnik pisassiissutaatitik tulaassassaanngitsut 473 tonsiusut tulaassinnaavaat, naak 100 %-imik angallammi suliarineqarsinnaagaluartut. Taamaattumik suliffissuaqarnikkut ajoqusiisoqarnaviangilaq Arctic Prime Fisheries ApS aalisarnini ingerlatiinnaruniuk, pilersaarutitullu pisanik Nunatta kujataani tunitsivinnut tulaattarlugit. Arctic Prime Fisheries saarullinnik 7.644,7 tonsinik pisassiissutaateqarpoq. 20. Novembarip tungaanut 6.341,56 tons aalisarsimavaat, maannakkullu 1.300,14 tonsinik sinneqarlutik. Tamanna 83 %-iuvoq. Ukiup ingerlanerani aalaakkaasumik aalisarsimasuugunik maanna 89 %-i angoreersimassagaluarpaat, taamaattumik oqartoqarsinnaavoq maanna aalisarnerminni kinguaattooqqasut.

Ad 9. *Aamma tassani tusagassiorfikku nalunaarutigineqartumi oqatigineqarpoq, Qaqortoq Fish ApS-ip qalerallit pisassiissutit pisassani Arctic Prime Fisheries-imut tunniunniagaai Naalakker-*

*suisut itigartitsissutigisimagaat. Naalackersuisut tassunga itigartitsinermut tunuliaqutaasoq nassuiaateqarfigisinnaavaa?*

Akissut:

Tunngaviusumik Naalackersuisut akuersissutigisanngilaat qaleralinnut pisassiissutit niuerutigineqarsinnaanngitsut suliffeqarfimmiit suliffeqarfimmut allamut nuunneqaqqullugit suliffeqarfiup qinnutigigaangatigit. Qaqortoq Fish ApS-ip qaleralinnut pisassiissutigisai niuerutigineqarsinnaanngimmata aamma tuniarsinnaanngilaat. Suliffeqarfiit tallimaapput avataasiorlutik qaleralinnut pisassiissutaatillit Kalaallit Nunaata kitaata kujataani.

Suliffeqarfiit allat marluk aalisarnerni assigisaani aalisartut massakkullu qaleralinnut pisassiissutaatiminnik nunguutsilersimasut aalisarnerminni suliffeqarfiup ataatsip 100 % angusimallugu aappaatalu 96 %. Taamaattumik kinaassusersiunnginnerpaajusimavoq Qaqortoq Fish ApS-ip qaleralinnut pisassiissutai suli qaqinneqanngitsut suliffeqarfinnut taaneqartunut nuut-sissallugit.

Naalackersuisoqarfiup Qaqortoq Fish ApS-ip Arctic Prime Fisheries ApS-imut tunniussiniarnera akuerineqarsimasuuppat, taava Naalackersuisoqarfiup allaffissornermi ingerlatsinermi tunngavigisaa assigiimmik sullissineq unioqqutissimassagaluarpa.

*Ad 10. Ataatsimiititaliamit apequtigineqartuni sammineqartunut atatilugu ataatsimiititaliamit soqutigineqarsinnaasunik allanik Naalackersuisut paasissutissiisinnaappat?*

Akissut:

Siusinnerusukkut nalunaarusiaq ataatsimiititaliamut nassiunneqarnikoq qilalukanik qernertanik qaqortanillu global review 2017-imeersoq innersuuneqarpoq, Kalaallit Nunaanni qilalukkat killiffissiorneqarnerat ilannguneqarmat.

Aammattaaq qilalugarniarnerup aqunneqarnera pillugu allakkiaq ilanngussatut akkiunneqarpoq (ilanngussaq 3).

Inussiarnersumik inuulluaqqusillunga



Nikkulaat Jeremiassen

Aalisarnermut, Piniarnermut Nunalerinermullu Naalackersuisoq

Ilanngussat:

llangussaq 1: 2018-imi qilalugartassat pillugit tusagassiorfinnut nalunaarut  
llangussaq 2: 13. november 2018 tikillugu qilalugartat nalunaarutigineqarnikut killiffiat  
llangussaq 3: Qilalukkat aqunneqarnera pillugu allakkiaq



## Tusagassiorfinnut nalunaarut Pressemeddelelse

### 2018-imi qilalukkanut qaortanut qernertanullu pisassiissutit

Aalisarnermut Piniarnermullu Naalakkersuisup 2018-imut qilalukkat qaortat qernertallu agguataareri akuerai. Qilalugartassiissutit agguataareri 2016-imiit 2020-imut qilalukkat pillugit uumassusilerisut siunnersuinerat, tusarniaasoqareernerup kingorna tunngavigalugu pivoq:

Qilalukkat qaortartassat 2017-imut naleqqiullugit allannguuteqanngillat. Qilalukkat qernertartassat annikitsumik nalimmassarneqarput. Tunumi politikikkut aalajangiinermik qernertanik qaffaasoqanngilaq, aammalu ukiuni kingullerni Upernavik Kujalleq aamma Kangersuatsiaq zone 4-mi qilalukkanik qernertartassiissutit 20-inik immikkoorsitsisarneq unitsinneqarluni. Taamaammat qernertartassiissutit tamakkiisumik zone 4-mut agguaatassanngortinneqarput. 2017-imitut zone 3-mi qernertartassiissutini 20-it Kullorsuarmi Nuussuarmilu piniartunik qaannamik pisassatut immikkoortinneqassapput. Kingusinnerususukkut zone 3-mi qernertartassiissutit nalimmassarneqarsinnaasut ilisimatitsissutigineqassaaq.

Qilalukkat qernertat pisassiissutit ukioq kingullermut naleqqiullugit zone 1, 2 amma 5-imi allannguuteqanngillat, APN uumassusilerisunit siunnersuineramik nutaanik tigusaqarnikuunngilaq, taamaattumillu pisassiissutit allanngortinnagit ingerlaqqinnissaat siunnersuutigineqarpoq, piniarfiit nassuiarnerat ilanngussaq 1-imi takuuk.

19-12-2017  
Sags nr.: 2017 - 18451  
Akt nr.: 6819791

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apn@nanoq.gl  
www.naalakkersuisut.gl

Takussutissiaq 1: Kitaani qilalukkat qernertat aqutsiveqarfinnut agguallugit

Aqutsiveqarfik	Zone	2017-imi pisassiissutit	2018-imi pisassiissutit
Iitah	1	5	5
Qaanaaq	2	98	98
Savissivik	3	80* + (20)	70
Upernavik			
Uummannaq	4	134	154
Qeqertarsuaq	5	85	85
Ilulissat			
Qasigiannugit			
Aasiaat			
Kangaatsiaq		6	6
Sisimiut			
Maniitsoq			
Nuuk	2	2	
Paamiut			



Narsaq			
Qaqortoq		4	4
Nanortalik			
<b>Kitaani tamakkiisumik</b>		<b>434</b>	<b>424</b>

\*Politikkikkut immikkut pisassiisuteqarnermik aalajangiineq.

Takussutissiaq 2: Tunumi qilalukkat qemertat aqutsiveqarfinnut agguaallugit.

Aqutsiveqarfik	Zone	2017-imi pisassiissutit	2018-imi pisassiissutit
Ittoqqortoormiit	7	50 + 8* = 58	50
Tasiilaq	6	16 + 24* = 40	16
<b>Tunumi tamakkiisumik</b>		<b>66 + 32* = 98</b>	<b>66</b>

\*Politikkikkut immikkut pisassiisuteqarnermik aalajangiineq.

Takussutissiaq 3: Qilalukkat Qaqortat Kitaani aqutsiveqarfinnut agguaallugit.

Aqutsiveqarfik	Zone	2017-imi pisassiissutit	2018-imi pisassiissutit		
Qaanaaq	2	20 – ukiuni tallimani	20 – ukiuni tallimani		
Savissivik	3	teknikkikkut pisassiissutit*	teknikkikkut pisassiissutit*		
Upernavik					
Uummannaq	4				
Qeqertarsuaq	5	250	250		
Ilulissat					
Qasigianguit					
Aasiaat					
Kangaatsiaq		50	50		
Sisimiut					
Maniitsoq					
Nuuk				12	12
Paamiut					
Narsaq				8	8
Qaqortoq					
Nanortalik					
<b>Tamakkiisumik</b>		<b>340</b>	<b>340</b>		

\* Qaanaaq ukiuni 5-imi teknikkikkut qilalukkanik qaqortanik.

### Qilalukkanik qaqortanik paggatassiineq

Aalisarnermut Piniarnermullu Naalakkersuisoqarfik 2017-imi misiliutaasumik qilalukkanik qaqortanik paggataassiivoq, kommunit APN-imut nalunaassapput tamanna 2018-imi ingerlateqqikkusunneqarnermoq, § 9-li takuuk.

### **2018-imi pisassiissutininik aqutsiveqarfinnut agguaassineq**

Pisassiissutit kommuninut agguaanneqassapput, taakkulu aalajangissavaat qanoq iluaqutigineqassanersut. Pisassiissutininik agguaassinermit eqqumaffigineqassaaq qilalugaqaqatigiiaat iluanni agguaassineq pissammat. Assersuutigalugu Qaasuitsup Kommuniata nammineq aalajangersinnaavaa kommunimut pisassiissutip tamakkiisup iluaniit qilalugaqaqatigiiaallu iluanni qanoq annertutigisut sumiiffinni ataasiakkaani nammineq pilersorsinnaanermut atugassatut iluaqutigitinniarneqarnersut imaluunniit qilalukkanut ataasiakkaanut illikartunut (perlaasut) immikkoortitsissanerluni.

Kommunalbestyrelsi 2017-imi pisassiissutit sinnerinik agguaassinissamini sunngiffimmi piniartartunut inuussutissarsiutigalugulu piniartunut pisassiinissamini procentip (%) assinga atussavaa. Takuuk Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 1, 15. januar 2016-imeersumi § 9 imm. 2 malillugu sunngiffimmi piniartartut aqutsiviup qilalukkanik qaqortanik qernertanillu pisassiissutaasa 0-10 %-iisa akornanni amerlassuseqartunik kommunalbestyrelsimit pisassinneqarsinnaapput kiisalu Nunatta Kangiani 0-15 %-ii.

### **Inatsit tunngaviusoq**

Qilalugarniarnermut atatillugu aalajangersakkat qilalukkat illersugaanerat piniagaanerallu pillugit Namminersorlutik Oqartussat Nalunaarutaat nr. 3, 27. januar 2017-imeersumi erseqqissumik aalajangersarsimapput.

### **Pisassiissutininik pisarinngitsuukkanik nuussineq – "Carry-over"**

Tassa ukioq manna pisassiivimmi pisassiissutit nungunneqassanngikkaluarpata, ukiup pisassiviusup tullianut nuunneqassapput. Nuussinermi ukiumiit ukiumut amerliartortitsinngitsoq atorneqassaaq.

2017-imi pisaasimasut 31. januar 2018-ip kingorna inaarutaasumik naatsorsorneqassapput, tamatumalu kingunerisaanik 2018-imi pisassiissutinut allannguisoqarsinnaalluni.

Sukumiinerusumik paasisaqarusukkaanni immikkoortortaqarfimmi pisortaq Amalie Jessen attavigiuk, oqarasuaat 34 53 04, e-mail: [amalie@nanog.gl](mailto:amalie@nanog.gl)

Qilalukkanik qernertanik piniarneq, ukiumut piniarfiusumut 2018  
Narhvalsfangst per bestand kvoteár 2018

JPBE/13-11-2018

Qaanaaq	Pisat /fangst	Pisassiissutit / Kvote	Ekstra kvote	Restkvote overførsel fra 2017	Aqutsiveqarfik / Forvaltningsområde	Kommune
					Pisassiisutaasimasunit sinneruttut / Resterende kvote	Pisassat sinneruttut / Restkvote
Etah	2	5		5	8	8
Qaanaaq	52	98			46	46
<b>Pisassiissutit sinneruttut / Resterende kvote</b>	<b>54</b>	<b>103</b>		<b>5</b>	<b>54</b>	<b>54</b>

Qimusseriarsuaq / Melville Bugt	Pisat /fangst	Pisassiissutit / Kvote	Ekstra kvote	Restkvote overførsel fra 2017	Aqutsiveqarfik / Forvaltningsområde	Kommune
					Pisassiisutaasimasunit sinneruttut / Resterende kvote	Pisassat sinneruttut / Restkvote
Savissivik	18	18			0	0
Upernavik	47	52		-5	0	0
<b>Pisassiissutit sinneruttut / Resterende kvote</b>	<b>65</b>	<b>70</b>		<b>-5</b>	<b>0</b>	<b>0</b>

Uummannaq	Pisat /fangst	Pisassiissutit / Kvote	Ekstra kvote	Restkvote overførsel fra 2017	Aqutsiveqarfik / Forvaltningsområde	Kommune
					Pisassiisutaasimasunit sinneruttut / Resterende kvote	Pisassat sinneruttut / Restkvote
Uummannaq	82	154		101	173	173
<b>Pisassiissutit sinneruttut / Resterende kvote</b>	<b>82</b>	<b>154</b>		<b>101</b>	<b>173</b>	<b>173</b>

Nunatta Kitaa / Vestgrønland	Pisat /fangst	Pisassiissutit / Kvote	Ekstra kvote	Restkvote overførsel fra 2017	Aqutsiveqarfik / Forvaltningsområde	Kommune
					Pisassiisutaasimasunit sinneruttut / Resterende kvote	Pisassat sinneruttut / Restkvote
Ilulissat	4	5			1	1
Qeqertarsuaq	41	80			-5	-5
Qasigianguit	0					
Aasiaat	43					
Kangaatsiaq	1					
Sisimiut	2	3		4	1	4
Manlitsoq	0	3			3	
Nuuk	0	2		2		
Paamiut	1					
Narsaq	0	4		4	4	4
Qaqortoq	0					
Nanortalik	0					
<b>Pisassiissutit sinneruttut / Resterende kvote</b>	<b>92</b>	<b>97</b>	<b>0</b>	<b>10</b>	<b>5</b>	<b>4</b>

Tunu / Østgrønland	Pisat /fangst	Pisassiissutit / Kvote	Ekstra kvote	Restkvote overførsel fra 2017	Aqutsiveqarfik / Forvaltningsområde	Kommune
					Pisassiisutaasimasunit sinneruttut / Resterende kvote	Pisassat sinneruttut / Restkvote
Iltoqqortoormiit	51	50			-1	-1
Tasiilaq	22	16		6	-6	0
<b>Pisassiissutit sinneruttut / Resterende kvote</b>	<b>73</b>	<b>66</b>		<b>6</b>	<b>-7</b>	<b>-1</b>

**Qilalukkanik qaqortanik piniarneq, ukiumut piniarfiusumut 2018**  
**Hvidhvalsfangst per bestand kvoteår 2018**

JPBE/13-11-2018

Qaanaaq	Pisat / Fangst	Pisassiisutit / Kvote#	Restkvote overførsel fra 2017	Ekstrakvote	Aqutsiveqarfik / Forvaltningsområde	Kommune
					Pisassiisutaasunit sinneruttut / Restkvote	Pisassat sinneruttut / Restkvote
Qaanaaq+Savissivik	5	22			17	17

# 5 árige teknisk kvote for 2014-2018 på 100 dyr, gj.snit 20 dyr per år.

Rest af 5-årig kvote ved kvoteårets (2018) start = 22

Kítaa / Vestgrønland	Pisat / Fangst	Pisassiisutit / Kvote	Restkvote overførsel fra 2017	Ekstrakvote	Aqutsiveqarfik / Forvaltningsområde	Kommune
					Pisassiisutaasunit sinneruttut / Restkvote	Pisassat sinneruttut / Restkvote
Upernavik	44	170	75		178	178
Uummannaq	4					
Ilulissat	19					
Qeqertarsuaq	23	80	29		58	58
Qasigiannguit	0					
Aasiaat	19					
Kangaatsiaq	9					
Sisimiut	12	30	15		33	53
Maniitsoq	10	20	10		20	
Nuuk	0	20			20	20
Paamiut	0					
Narsaq	0					
Qaqortoq	0					
Nanortalik	0					
<b>TOTAL</b>	140	320	129		309	309

## **Ilanngussaq 2: Piniarfiit killeqarfiinut nassuiaatit**

*Piniarfiit killeqarfii Inatsisartut inatsisigisimasaanni nr. 11, 30. oktober 1998-imeersumi kommunit agguataarneri malillugit kiisalu Danmarkip nunanut allanut ministeriaqarfiaa aammalu USA-pDanmarkimi aallartitaata 2003-mi allakkiaat naapertorlugu aalajangersagaapput.*

### **Piniarfiit killeqarfii tulliuttuni imm. 2-8-mi aalajangersarneqarput**

**Imm. 2: Iitap piniarfia (Etah):** Piniarfiup taassuma killeqarfigai Peterman Gletscherip qeqqaniit nunap eqqissimatitamiit Kennedy Kanaali imartap nunatta aningaasarsiornikkut oqartussaaffiata killeqarfii avannarpasissutsimi N 81°25' kippasissusermilu W 64°18'-imiittut. Kujammut kimmut killeqarfigai nuna Qaanaap piniarfianiittoq Prudhoe Landimii Ullersuarmut (Kap Alexander) kiisalu Smith Sundimi nunatta aningaasarsiornikkut oqartussaaffiata killinga avannarpasissuseq N 78°11' kippasissuserlu V 74°10'-miittoq.

**Imm. 3: Qaanaap piniarfia:** Avannamut killeqarfigaa Iitap piniarfia, tak. imm. 2, kiisalu kujammut Innaanganermi Upernaviup Uummannallu kommunitut killeqarfitoqaat Qimusseriarsuarmiittoq. Tassannga kujammut killeqarfigaa avannarpasissuseq N 75°47' kippasissuserlu W 67°52' taavalu kujammut kimmut nunatta imartaq oqartussaaffiata killinganut avannarpasissuseq N 74°44' kippasissuserlu W 73°14'-imut.

**Imm. 4: Upernaviup piniarfia:** Taassuma killeqarfigai Avannamut kangimut Qaanaap piniarfiata killeqarfia. Kujammut killeqarfigaa Uummannap piniarfiani qaqqaq Ilorruatsiaq avannarpasissuseq N 71°21' kippasissuserlu W 56°16'-miittoq, tassanngalu kujammut kimmut imartaq nunatta aningaasarsiornikkut oqartussaaffiata killinga avannarpasissuseq N 70°32' kippasissuserlu W 62°43'-miittoq. Upernaviup piniarfiani Savissivik ilaavoq.

**Imm. 5: Uummannap piniarfia:** Taassuma killeqarfigai avannamut Upernaviup piniarfiata killeqarfia kujalleq, Sigguup nunaani. Kujammut killeqarfigaa Uummannap Ilulissallu kommuniisa killeqarfitoqaat Sullorsuup (Vaigat) qeqqani qaqqamut Niiortuumut avannarpasissuseq N 70°15' kippasissusermilu W 54°43'-imiittumut atasoq. Kimmut killeqarfigai avannarpasissuseq N 70°21' kippasissuserlu W 55°31'-mut taavalu Qeqertarsuatsiaq kujaqqullugu Maligaat atuarlugu kujammut imartami nunatta aningaasarsiornikkut oqartussaaffiata killinga avannarpasissuseq N 69°30' kippasissuserlu W 61°8'-mut.

**Imm. 6: Qeqertarsuup Tunuata Kalaallit Nunaata kujataatalu piniarfia:** Piniarfimmu tassunga atapput imartaq tamanna kiisalu kujammut imartat Nunap Isua ilanngullugu. Kujammut kangimut killeqarfigaa Ammassaliup Nanortallillu kommunitoqaasa killeqarfia Kangerlussuatsiap (Lindenow Fjord) qeqqatigut avannarpasissuseq N 60°23' kippasissuserlu W 44°56'-imiittoq kiisalu kujammut kangimut imartamut nunatta oqartussaaffiata killinga avannarpasissuseq N 58°48' kippasissuserlu W 37°1'-miittumut atanilik.


**Imm. 7: Tasiilap piniarfia:** Piniarfimmut tassunga atapput Ammassaliup kommunerisimasaa. Kujammut killigaa Qeqertarsuup Tunua, avannamut Ittoqqortormiit piniarfiannut, tassani killeqarfigalugit Kangerlussuaq, Torsukattak (Watkins Fjord), J. C. Jacobsen Fjord tassa nunap assingani avannarpasissuseq N 68°5' kippasissuserlu W 31°6' taavalu imartap nunatta oqartussaaffiata killinga avannarpasissuseq N 66°12' kippasissusermilu W 29°1' iittoq.

**Imm. 8: Ittoqqortoormiit piniarfiat:** Taassuma kileqarfigai kujammut Tasiilap piniarfia avannamullu Nuna Allangutsaaliugaq kangimut Kap Biot avannarpasissuseq N 71°52' kippasissuserlu W 22°39'-miittoq kiisalu kujammut kangimut imartami nunatta oqartussaaffiata killinga avannarpasissuseq N 70°50' kippasissuserlu W 14°45'-imiittoq.

*Agguataarinerit avataanni Kalaallit Nunaata nunap immikkoortuinut kommuneqarfinnullu aggorneqarnera pillugu Inatsisartut inatsisaat nr. 15, 5. december 2008-meersoq naapertorlugu makku atorneqassapput:*

***Imm. 1: Pituffik (Thule Air Base) Kalaallit Nunaata illersorneqarnissaa pillugu isumaqatigiissut 27. april 1951-imeersoq naapertorlugu.***

***Imm. 2: Tunup Avannaarsuani Nuna Allangutsaaliugaq, Kalaallit Nunaanni pinngortitamik allangutsaaliuineq pillugu Inatsisartut inatsisaata allannguutaa pillugu Inatsisartut inatsisaat nr. 15 ulloq 9. november 1988-imeersoq kiisalu Kalaallit Nunaata avannaarsuani kangianilu Nuna Allangutsaaliugassatut Immikkoortitaaq pillugu Namminersornerullutik Oqartussat nalunaarutaat nr. 7, 17. juni 1992-imeersoq naapertorlugit killeqarfiligaq.***



IITA  
(ZONE 1)

Qaanaaq  
QAANAAQ  
(ZONE 2)

QIMUSSERIARSUAQ  
(ZONE 3)

Upernavik

UUMMANNAQ  
(ZONE 4)  
Uummannaq

Qeqertarsuaq  
Aasiaq  
Kangaatsiaq  
Ullissat  
Qasigiannguit

Sisimiut

Maniitsoq

QEQRARSUUP TUNUA  
(ZONE 5)

Paamiut

Narsaq  
Qaqortoq  
Nanortalik

NUNA ALLANNGUTSAAALIUGAQ  
(ZONE 8)

Ittoqqortoormiit

ITTOQQORTOORMIIT  
(ZONE 7)

TASILAQ  
(ZONE 6)  
Tasiilaq

## **Aalisarnermut, Piniarnermut Nunalerinermullu Naalackersuisoqarfik**

28-06-2018

Suliap normua: 2018 - 12658

## **Aalisarnermut, Piniarnermut Nunalerinermullu Naalackersuisumut ilisimatitsissut**

### **Pillugu: Kalaallit Nunaanni qilalukkat qaqortat qernertallu aqunneqarnerat**

Allakkiaq Aalisarnermut, Piniarnermut Nunalerinermullu Naalackersuisumut Nunatsinni qilalukkat qaqortat qernertallu aqunneqarnerat pillugu nassuiaataavoq.

### **Nunatsinni qilalukkat qaqortat qernertallu aqunneqarnerat**

Qilalukkat qaqortat qernertallu Kalaallit Nunaata annersaani piniagaapput pingaaruteqartuaannarnikuullutik. Qilalukkat 2004-mi pisassiisarnikkut nalunaarutikkullu killilersorneqalermatali, piniarneqarnerisa qanoq sakkortutigisumik piniarneqarneri, piniariaatsit aamma atuineq allannguuteqarsimapput. Aqutsisoqarfiup ilisimasai ataavartumik annertusiartuaarsimavoq ilaatigut uumassusilerisut siunnersuineranit aamma atuisunit immersorneqarnermiit.

Aalisarnermut, Piniarnermut Nunalerinermullu Naalackersuisoqarfik (APNN) pisuussutit uumassusillit susassaqarfittut oqartussaaffigalugit Kalaallit Nunaanni piniakkanik tamanik piujuaannartitsineq tunngavigalugu atuinissaq akisussaaffigaa, tassunga ilaallutik qilalukkat qaqortat qernertallu. Tamanna nuna tamakkerlugu aamma nunat tamat akornanni siunnersuinermit kiisalu inatsisiliorneq aqutigalugu qulakkeerneqarpoq, piniarnerup ingerlanneqarnissaa nassuiarpaa.

### **Inatsisitigut tunngavik**

Piniarneq aallaaniarnerlu pillugit Inatsisartut inatsisaat nr. 12, 29. oktober 1999-imeersoq tassaavoq Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 3, 27. januar 2017-imeersumut inatsit tunngavioq Aalisarnermut, Piniarnermut Nunalerinermullu Naalackersuisumut qilalukkanik qaqortanik qernertanillu aqutsinissamut periarfissaliisoq.

### **Nunat tamat akornanni isumaqatigiissutit**

Kalaallit Nunaat qilalukkat qaqortat qernertallu aqunneqarnerannut siunnersuineranullu nunat tamat akornanni isumaqatigiissutinut marlunnut peqataasuvoq:

#### *JCNB*

Siulleq tassaavoq *Joint Commission on Narwhal and Beluga* (JCNB), Kalaallit Nunaat aamma Canada/Nunavut Ataatsimoortumik Ataatsimiititaliaat 1989-imeersoq. JCNB tassaavoq Kalaallit Nunaata Kitaani Baffin-ip Ikerani Kalaallit Nunaat aamma Canada/Nunavut akornani qilalukkat qernertat qaqortallu piujuaannartinneqarnissaat aqunneqarnerallu pillugit *Memorandum of Understanding* (MoU). Isumaqatigiissut tassaavoq inatsisitigut pituttugaanngitsumik isumaqatigiissut, kisianni peqataasunut ileqqorissaarluni aqutsinissamut paaseqatigiinneq. Ataatsimoortumik Ataatsimiititaliami ukiut marluk imaluunniit pingasukkaarlugit ataatsimiitartup, kingullermik ataatsimiinneq Nuummi 2015-



imi ingerlanneqarpoq. Ataatsimiinnerup tullia Canadami 2019-imi ingerlanneqassaaq, APNN-ip canadamiut aallartitai qaqagu ataatsimiinniisaaq ingerlanneqassanersoq pillugu utaqqigallarpaa.

JCNB Ilisimatuussutsikkut suleqatigiissitaqarpoq, tamannalu nunani arlalinniit imarmiut miluumasut pillugit immikkut ilisimasalinnik ilisimatooqarluni, JCNB-milu siunnersuisartuullutik.

#### *NAMMCO*

Isumaqatigiissut Nunatta peqataaffigisaata aappaa tassaavoq Atlantikup Avannaani Imarmiut Miluumasut Ataatsimiititaliaat (NAMMCO). NAMMCO tassaavoq nunat tamalaat akornani arferit anginerit mikinerillu taavalu puisit aarrillu pillugit isumaqatigiissut 1992-imeersoq. Nunat ilaasortaasut tassaapput Kalaallit Nunaat, Island, Savalimmiut aamma Norge. Canada/Nunavut/Nunavik, Rusland, Danmark aamma Japan alaatsinaattuupput.

Ataatsimiititaliaq Siunnersuisoqatigiit taavalu suleqatigiissitat aqutugalugit sulisarpoq, tamarmillu isumaqatigiinneq toqqammavigalugu sulisarlutik. Nunat ilaasortat tamarmik Ataatsimiititaliaq suleqatigiissitani tamani ilaasortaataqarput. Misissugassaqassappat Ataatsimiititaliaq suleqatigiissititanik immikkulluunniit ilisimasalinnik suleqatigiissitanik pilersitsisinnaapput.

Kalaallit Nunaata Kitaani qilalukkat qaqortat qernertallu Nunavut/Canada-lu avitseqatigineqarmata JCNB oqartussaavoq, Tunumili qilalukkat qernertat (qaqortallu) NAMMCO oqartussaavoq, qilalugaqatigiit nunanik allanik avitseqatigineqannginnamik.

NAMMCO Ilisimatuussutsikkut Ataatsimiititaliaqarpoq, NAMMCO-milu siunnersuisartuulluni. NAMMCO aamma Piniariaatsit pillugit Ataatsimiititaliaqarpoq, tassanilu atortut piniariaatsillu sorliit pitsaanerunersut pillugu siunnersuisarluni. Kalaallit Nunaanneersut piniartut ataatsimiinnerni peqataalluartaqarput.

#### *JWG*

JCNB-mi NAMMCO-milu siunnersuisoqatigiit ataatsimoorussamik suleqatigiissitaqarput, *Joint Working Group* (JWG), tassanilu ilisimatuussutsikkut sulineq ataqatigiissaarneqarlunilu pilersaarutigineqartarpoq. JWG JCNB-miit NAMMCO-miillu ilisimatuunik immikkullu ilisimasaqartunik inuttaqarpoq, aammattaaq ilisimatuut matematik-imi statistik-imilu ilisimatuut.

Umassusilerisuniit siunnersuineq APNN-ip tigusartagaa JWG-iminngaanneerpoq, APPN-illu tigungginnerani NAMMCO-mi Siunnersuisoqatigiit suliarineqartarluni.

#### **Umassusilerisuniit siunnersuineq**

Umassusilerisuniit siunnersuineq APNN-ip tigusartagaa ukiuni arlalinni atuuttarpoq. Maannakkut qilalukkanut qaqortanut qernertanullu ummassusilerisuniit siunnersuineq ukiuni 2016-2020 atuuppoq.

Siunnersuineq qilalukkat qaqortat qernertaqatigiillu piffissami amerliartornissaanut ilimanassuseq aallaavigalugu aalajangersarneqartarpoq. Qilalukkanik qaqortanik qernertanillu piniartoqaqqusaanngikkaluarpat 100 %-imik ilimagineqarsinnaavoq ukiut tallimat taakku iluani qilalugaqatigiit amerliartussasut. Pisassiissutit annertunerutikkaanni, taava qilalugaqatigiit amerliartornissaanut ilimanassuseq annikinnerusaaq. Qilalugaqatigiit ukiut

tallimat ingerlanerani amerliartornissaanut ilimanassuseq Kalaallit Nunaanni 70 %-imut inissinneqarnikuuvoq. Qilalugaqatigiillu amerliartorpata taava siunissami pisassiissutit aamma amerliartorsinnaapput.

Ukiunut tallimanut pilersaarusiornerup iluaqutitarivaa, tapersissallugulu:

1. Pisassiissutit piujuaannartitsinermik tunngaveqanngippata, CITES-ip ataani EU-milu avammut niuernerme eqqussisinnaanerup avammullu tuniniaasinnaanerup sulii killilernerqarsinnaanerata millisinneqarsinnaanera;
2. Piniartut pisariaqassappat sammisaminnut naleqqussarnissaat allatigullu isertitaqarfiusinnaasunik ujarlersinnaanissaannut periarfissiissalluni,
3. Aqutsiveqarfimmi allaffissornikkut oqilisaaneq, taamalu pisuussutit aningaasartuuteqarnikkut annikinnerusumik atuisinnaaneq.

Ukiut tamaasa arferit kisinnissaannut isumalluutissat naammangimmata uumassuilerinikkut siunnersuineq ukiuni arlalinni atuuttarpoq, siunnersuinerlu atuukkunnaarpat qilalugaqatigiinnik nutaanik misissuinerneq ingerlatsissapput, suliarlu aallaqqaataaniit ingerlanneqassaaq. Uumassuilerisuniit siunnersuineq mianersornissamik tunngavissat naapertorlugit tunniunneqartarpoq.

### **Pisasseeriaaseq**

Qilalukkat 2004-mi pisassiisarnikkut killilersorneqalerput. Pisassiissutinik killilersuineq atuutilersinneqarsimavoq qilalukkat qaqortaqatigiit qernertaqatigiillu ikiliartornerat unitsinniarlugu, taamannallu iliuuseqarneq iluaqutaasimavoq, pisammi ikileriarsimammata. Ungoorilluni piniartarneq inertequtaalersimanera qilalugaqatigiit ikiliartorunnaanerannut arriitsumilluunniillu amerliartornerannut peqqutit pingaarnerit ilaanniittoq ilimanaateqarpoq.

Naalakkersuisut nuna tamakkerlugu pisassiissutissat JCNB-mit aamma NAMMCO-mit siunnersuineq, atusut ilisimasaat aamma peqataasut attuumassutilinnik tusarniaaneq tunngavigalugit aalajangertarpaat.

Nunap immikkoortuinut pisassiissutit peqataasut attuumassutillit isumasioqatigereerlugit Naalakkersuisumit agguanneqartarput. Ukiuni arlalinni atuuttuni pisasseeriaatsinik ingerlatsisoqartarpoq, pisassiissutillu atunngitsoortut ukiup tullianut ingerlaqqittarput, tamanna peqassutsit killiliussat iluini, killiliussat taakkua uumassuilerisut siunnersuineranneersuupput.

Pisassiissutit tamakkerneqanngitsoorpata ukiup pisassiiviup tullianut nuussisinnaaneq (carry-over) 2013-imi atulersinneqarpoq, tassani periuseq amerliartuutaanngitsoq atorneqarluni, tassa nuussinerme ukiup siuliani atunngitsuukkat kiseqataassanatik. Pisassiissutaasut tamarmiisunit 10 %-ii sunngiffimmi pinialuttartunit pisiarineqarsinnaapput, sinneri inuussutissarsiutigalugu piniartunit taamaallaat pisiarineqarsinnaallutik. Nalunaarut januaarip 15-iani 2017-imi atuutilersumi politikikkut kissaateqarnerup kingorna Tunumi sunngiffimmi pinialuttartut pisassiissutaat 15 %-imut qaffariarneqarpoq.

Kalaallit Nunaata Kitaani qilalukkat qaqortanik qernertanillu pisassiissuteqarpoq, Tunumili qilalukkat qernertanut kisimi pisassiissuteqarpoq. Tunumi qilalukkanik qaqortanik pisassiissuteqanngilaq, qilalukkanik qernertanik kisitsinernut atatillugu qilalukkanik qaqortanik ikittuinnarnik takusoqartarsimavoq, nungusaataanngitsumillu piniarnermik pilersuisinnaanissaa ilimagineqarani.

2015-imi JCNB-mi isummiunneqarpoq siunissami qilalukkanut qernertanut pisassiissutit, Kalaallit Nunaanni Canadamilu piniarfinnit assigiinngitsunit pisarineqartarneri uumasogatigiit sorlerminngaaneernerinit ilisimasat tunngavigalugit siunissami pisassiissutit aalajangersarneqarneri tunngaveqartinneqassasut.

Tamanna isumaqarpoq pisassiissutissatut siunnersuutit maannakkut nunat tamat akornanni sinaakkusiussat aallaavigalugit tunniunneqartarneri, nunami namminermi aalajangersaasarneq, nuna sanilerisap atuinera mianerinagu ingerlatsineq qimallugu. Aqutseriaatsip nutaap pingaarutilimmik iluaqutigaa, qilalugaqatigiit mikisut sumiiffinni arlalinni pisarineqartartut (suminngaanniissuseq apeqqutaatinnagu), maannakkut piniapilunneqarnissaannut illersorneqarsinnaalissammata. Kinguneraalu aamma qilalugaqatigiit angisuut, piniarneqarluarsinnaanerminnut attassisinnaasut, maannakkut annertunerusumik ataatsimoorullugit atuisoqarsinnaanerinut ammaassisoqarsinnaanera. Taamatut ukioq 2016-imi manna assersuutissaqarpoq, Qimusseriarsuarmi qilalukkat qernertat Upernaviup eqqaaniittut uumasogatigiit mikigami pisassiissutit ikileriarnikuupput, Ummannallu eqqaani qilalugaqatigiit annertunerusumeersumit pisassiissutit qaffariarput, takussutissiaq 1 takuuk.

APNN pisassiissutit pillugit maalaarutininik arlaleriarluni tigusaqarsimavoq, inuussutissarsiutigalugu piniarnermut allagartaqartut imaluunniit sumiiffimmi inoqassuseq naaportorlugu pisasseeriaaseqartoqassasoq kissaatigineqartarluni. Taamannak pisasseeriaaseqarneq iluaqutissartarivai piffissaq qaninnerusoq isigalugu piniartut isertitassaqarnerulissapput annerusumillu neqimik mattammillu pilersorsinnaalernissamut periarfissaqalissallutik. Taamannak pisasseeriaaseqarnerup ajoqutai tassaapput piffissaq ungasinnerusoq isigalugu pisat nungusaataangitsumik tunngaveqarunnaassammata qilalugaqatigiillu ikiliartornissaanut ilimanaat annertunerussalluni, taassumalu kingorna aallaqqaaminngaanniit sukanganerusunik pisassiissutinik pisariaqartitsilertussaalluni, pinngortitarpummi inuussutissarsiutigalugu piniartunut sumiiffimmi najugaqartulluunniit aallaavigalugit nalimmassarneq ajorami. Maannakkut pisasseeriaaseq eqqarsaatigalugu, pingaarnertut piujuaannartumik tunngaveqartumik pisassiisarneq malissagaanni, allanngorartuunngitsunik pisaqartarnerik kinguneqassaaq, taamaasillunilu siunissami amerlanerusunik pisassiissuteqarnissamut periarfissiissalluni.

Pisassiissutit aalajangersarneqarnerinut tunngatillugu, pisassiissutissat kommuninut, KNAPK-mut TPAK-imut, Piniarneq pillugu Siunnersuisoqatigiinnut, Pinngortitaleriffimmut, SQAPK aamma PAN-imut tusarniutigineqartarput.

Tusarniaanermi tusarniaanermut akissutit tiguneqareeraangata, nuna tamakkerlugu pisassiissutissat Naalakkersuisunit aalajangersarneqartarput taavalu nuna immikkoortuini pisassiissutissat Piniarnermut, Aalisarnermut Nunalerinermullu naalakkersuisumit agguanneqartarput tusarniaanermi peqataasut isumasioqatigereerlugit.

Takussutissiaq 1: Qilalukkat qernertanut siunnersuineq

Qernertat	2010-2015-imi inassuteqaat	2016-2020-imi inassuteqaat	2017-imi inassuteqaat
Nunap immikkoortua 1: Iitah	-	5	-
Nunap immikkoortua 2: Qaanaaq	85	98	-

Nunap immikkoortua 3: Upernavik aamma Savissivik (Qimusseriarsuaq)	81	70	-
Nunap immikkoortua: Uummannaq	81	154	-
Nunap immikkoortua 5: Qeqertarsuup Tunua (Ilulissat-Nanortalik)	59	97	-
Nunap immikkoortua 6: Tasiilaq	18	16	0
Nunap immikkoortua 7: Ittoqqortoormiit	70	50	10

Takussutissiaq 2: Qilalukkat qaortanut siunnersuineq

Qaortat	2010-2015-imi inassuteqaat	2016-2020-imi inassuteqaat
Nunap immikkoortua 1: Iitah	20*	20*
Nunap immikkoortua 2: Qaanaaq aamma Savissivik		
Nunap immikkoortua 3: Upernavik	310	320
Nunap immikkoortua: Uummannaq		
Nunap immikkoortua 5: Qeqertarsuup Tunua (Ilulissat-Nanortalik)		
Nunap immikkoortua 6: Tasiilaq	-	-
Nunap immikkoortua 7: Ittoqqortoormiit	-	-

\* Ukiuni tallimani teknikkikkut pisassiissutit. Qaortat100-it ukiut tallimat ingerlanerani pisarineqarsinnaapput.

**Pisat amerlassusaat**

Qilalukkanut qaortanut qernertanullu pisat amerlassusaat sumiiffimmiit sumiiffimmut ukiumiillu ukiumut allanngorartarpoq. Allanngorartarnerannut pissutaasartoq tassaavoq silap sikullu pissusaasa allanngorartarnera. Ilaatigut pisassiissutit tamakkerneqarneq ajorput, ilaatigullu tamakkerneqartarlutik, ilaannikkut siusissuklut kingusissukkulluunniit. Una immikkoortaq ukiuni tallimani kingullerni pisassiissutinik atuineq qanoq ingerlasimanersoq nassuiassavaa.

Takussutissiaq 3: Qilalukkat qaortat pisat amerlassusaat.

Sumiiffik/ukioq	2013	2014	2015	2016	2017
Qaanaaq-Savissivik	26	31	7	16	32
Upernavik	167	125	27	76	26
Uummannaq	19	20	2	3	9
Ilulissat	22	57	45	38	34
Qeqertarsuaq	12	5	11	20	38
Qasigiannuguit	0	1	2	0	0
Aasiaat	10	4	12	14	10
Kangaatsiaq	8	4	5	7	19
Sisimiut	27	9	6	17	15
Maniitsoq	14	13	9	12	10
Nuuk-Nanortalik	0	2	1	0	3

<b>Katillugit</b>	<b>305</b>	<b>271</b>	<b>127</b>	<b>203</b>	<b>196</b>
-------------------	------------	------------	------------	------------	------------

Ukiuni tallimani kingullerni ataasiaannaq sumiiffik ataaseq pisassiissutini qaqortartassiissutini tamakkersimavaa, tamanna Upernavimmi pisimavoq, 131-inik pisassiissuteqarsimapput, pisassiissutillu ukiup siuliani atunngitsuukkat nuunneqarnikut 15-it, 167-inillu pisaqarsimallutik. Ukiut sinnerini qaqortartassiissutit tamakkerneqartarsimangillat. Pisat amerlassusaalli ukiumiit ukiumut allanngoraput.

**Takussutissiaq 4: Qilalukkat qernertat pisat amerlassusaat**

<b>Sumiiffik/ukioq</b>	<b>2013</b>	<b>2014</b>	<b>2015</b>	<b>2016</b>	<b>2017</b>
Qaanaaq	83	102	75	81	108
Savissivik	7	12	17	12	25
Upernavik	64	101	54	79	68
Uummanaq	78	69	42	120	35
Ilulissat	2	2	5	5	0
Qeqertarsuaq	25	21	8	14	46
Qasigiannugit	1	3	0	1	1
Aasiaat	20	18	16	33	49
Kangaatsiaq	2	6	0	2	1
Sisimiut	0	0	0	0	0
Maniitsoq	0	0	0	0	2
Nuuk-Nanortalik	1	0	1	1	0
Tasiilaq	19	18	20	15	31
Ittoqqortoormiit	47	63	74	38	60
<b>Katillugit</b>	<b>283</b>	<b>415</b>	<b>312</b>	<b>401</b>	<b>426</b>

Ukiuni tamani (2013-2017) Upernaviup qernertartassiissutai tamakkerneqarsimapput. Aamma 2013-imi Qeqertarsuup qernertartassiissutai tamakkerneqarput. 2014-imi aamma 2015-imi Tasiilami tamakkerneqarput. 2014-imi Qaanaami tamakkerneqarput. 2017-imi Savissivimmi tamakkerneqarput.

Qilalukkat qernertanut pisassiissutit qaqortaniit tamakkerneqakulanerusarput. Tamanna pingaartumik Upernavimmi takussaavoq, sumiiffimmi najugaqavissortumik qernertaqatigiiffilik, taavalu amerlasuunik inuussutissarsiuutigalugu allagartaqarfummat.

Qilalukkat qaqortat pisassat isertitassatullu isumalluutit ilagigaluaaraat periarfissaq atorneqarneq ajorpoq. Qilalukkat qernertartassiissutillu ilaneqarnissaanut qinnuteqaatinik takkuttoqaannartarluni, uffa Kalaallit Nunaata Kitaa aqqusaarlugu ataatsikkut Baffin-ip Ikerani sikut katinngasunut angalaartartut.

Pisat amerlassusaat takuteriikkat pisanik nalunaarutinutt immersukkaninngaanneersuupput. Amerlanernik pisaqartoqarsimasinnaavoq, piniartullu unioqqutitsillutik nalunaarutiginnisaanik, akuersissuteqannginnamik iml pisassiissutit tamakkerneqareeramik, aamma piniariarnermi ataatsimi arlalinnik pisaqareernerme ilaannai nalunaarutigineqarsimasinnaapput. Aamma aallaarsarisanik pissatallu qaqutikkut nalunaarutigineqarput, piniartummi pisassiissutiminnik ilanngaatsikkusunnginnamik.


## Qilalugaqatigiit

Qilalukkat qaqortaqatigiit imalunniit qernertaqatigiit tassaapput arferit "eqimattat", ukiut tamaasa sumiiffinnut aalajangersimasunut aqutit aalajangersimasut aqutugalugit ingerlaartartut, taamaattumillu sumiiffinni aalajangersimasuni piniarneqartarlutik. Qilalukkat ukiut tamaasa sumiiffinnut aalajangersimasunut angalaartartut taamaattumik qilalugaqatigiittut isigineqartarput, qilalugaqatigiillu pineqartoq qanoq piniarneqartigisinnaanersoq aallaavigalugu pisassiissutit agguarneqartarput. Qilalugaqatigiit aasakut Canadami Kalaallit Nunaannilu kangerlunniittarput. Ukiakkut ukiukkullu imaq sikuppat, aqutit aalajangersimasut aqutugalugit Baffin-ip Ikeranut Ikersuaq Davis-imullu ingerlaartarput.

## Qilalukkat qernertat

Qilalukkat qernertat Canada-mi, Kalaallit Nunaanni, Norge-mi Rusland-imilu takussaapput. Kalaallit Nunaanni Kitaani Tunumilu qilalukkat qernertaqarpoq. Kalaallit Nunaat sisamanik qernertaqatigiinnik peqarpoq, taavalu Canadalu/Nunavullu avitat arfinillit, Kalaallit Nunaata Kitaata imartaani Baffin-ip Ikerani ukiakkut ukiukkullu siku aalaakkaasoq katinngasorlu pilersikkaangat ukiisarput.


Asseq 1 aamma 2: Qernertaqatigiit, saamerleq Kitaani, talerperleq Ittoqqortoormiini.



Kalaallit Nunaata Kitaani Canadamilu/Nunavummilu qilalukkat qernertaqatigiit aasaanerani najugaqarfigisartagaat aallavigalugit arfineq pingasunngorlugit agguarneqarnikuupput. Qernertat ukiumiit ukiumut aasaanerani najugaqarfigisaminnut utertarput, taamaasilluni uumassusilerituut pilersaarusioreersinnaasarpup kisitsisinnaasarlutillu, aammattaq piniartut qaqaqukkut takkuttarnersut missingersorsinnaasarpaat pisaqarlutillu.

Assit 1-imi aamma 2-mi takuneqarsinnaasutut qilalugaqatigiit Somerset Island, Smith Sound, Qimusseriarsuaq (Upernavik), Jones Sound, Inglefield Bredning (Qaanaaq, Kangerlussuaq), Eclipse Sound, East Baffin Island aamma Admiralty Inlet-imeerput. Tassani sumiiffinniit Baffin-ip Ikeranut qernertat ukiakkut ukiukkullu ingerlaartarput ukiillutillu. Ingerlaartarfiat asseq 3-mi takuuk.

Asseq 3: Qilalukkat qernertat ingerlaartarfiat.



Takussutissiami 5-imi takuneqarsinnaavoq Kalaallit Nunaata Kitaani qilalukkat qernertat suminngaanneernersut:

Takussutissiaq 5: Kalaallit Nunaata Kitaani qilalukkat qernertat suminngaanneernerat.

		Smith Sound	Qaanaaq (Kangerlussuaq)	Qimus-seriarsuaq	Somerset Island	Admiral Inlet	Eclipse Sound
<b>Zone 1</b>	Iitah	100 %					
<b>Zone 2</b>	Qaanaaq		100 %				
<b>Zone 3</b>	Upernavik			100 %			
<b>Zone 4</b>	Uumman-naq			<1 %	97 %	2 %	<1 %
<b>Zone 5</b>	Qeqertarsuup Tunua			16 %		32 %	52 %

*Nunap immikkoortua 1: Iitah*

Iitah-mi Pikialasorsuup avannaani Kalaallit Nunaata qilalukkat qernertaqatigiit avannarpasinnerpaavat takussaavoq. Qaanaap Siorapaluullu avannaaniippoq. 2015-imi aallaqqaammut Qaanaami qilalukkat qernertat Qaanaamiittuniit immikkoortutut paasineqarpoq. Nunatta Canadalu/Nunavullu avitseqatigisaat. Ukiakkut ukiullu qilalukkat Pikialasorsuarmut ingerlaartarput.

*Nunap immikkoortua 2: Qaanaaq (Kangerlussuaq)*

Qaanaami qilalukkat qernertat sumiiffimmi najugaqavissortuupput, tassa Kangerlussuup qilalugaqatigiivia. Canadalu/Nunavullu avinneqanngilaq. Ukiakkut ukiullu qilalukkat Pikialasorsuarmut ingerlaartarput.

*Nunap immikkoortua 3: Qimusseriarsuaq*

Qilalukkat qernertat Upernavimmiittut sumiiffimmi najugaqavissortuupput, tassa Qimusseriarsuup qilalugaqatigianeerput, Canadalu/Nunavullu avinneqanngilaq. Aasakkut Qimusseriarsuaq najortarpaat. Ukiakkut ukiullu Baffin-ip Ikeranut angalaartarput sikut katinngasunilu ukiisarlutik. Upernaakkut sikuiartulerpat avannamut Qimusseriarsuarmut uterparput. Qernertaqatigiip ilaa aamma Ummannap Sulluanut Qeqertarsuullu Tunuanut ingerlaartarput, taamaasillutillu sumiiffinni taakkunani piniarneqartarlutik.

*Nunap immikkoortua 4: Uummannaq*

Qilalukkat qernertat Uummannaami eqqaanilu Somerset Island, Admiral Inlet, Eclipse Sound aamma Qimusseriarsuarminngaanneerput. Somerset Island, Admiral Inlet aamma Eclipse Sound tamarmik Canada-miipput. Ukiakkut ukiullu Baffin-ip Ikeranut angalaartarput sikut katinngasunilu ukiisarlutik.

*Nunap immikkoortua 5: Qeqertarsuup Tunua*

Qilalukkat qernertat Qeqertarsuup tunuanut ingerlaartartut pingaartumik Canada/Nunavullu imartaanneerput, ilai Qimusseriarsuarmeerput. Eclipse Sound, Admiral Inlet aamma Qimusseriarsuarminngaanneerput. Ukiakkut ukiullu Baffin-ip Ikerata kujasissortaanut angalaartarput sikut katinngasunilu ukiisarlutik.

*Nunap immikkoortua 6: Tasiilaq*

Qilalukkat qernertaqatigiit Tasiilameersut nunatsinneersuupput, nunat allanik avitseqatiginngisat.

*Nunap immikkoortua 7: Ittoqqortoormiit*

Qilalukkat qernertaqatigiit Ittoqqortoormiiniittut nunatsinneersuupput, nunat allanik avitseqatiginngisat. Tunumi qilalukkat qernertaqatigiit annerpaaq aasaanerani Kangerlittivarmi najugaqartuuvoq. Qilalukkat aasaanerani Kangerlittiip qinguata tungaaniikkumanerusarput aammali kangerlorujussuarnut qanittumiittumut allanut ingerlagajuttarlutik. Ukiariartuleraangat kangerluit qimallugit avasiarnerusumut katersuuttarput. Oktoberip qaammataani kangerlummiit anillattarput, tamatigit kangerluup kujasinnerusortatigit itinerusukkut, novemberilu aallartisimaleraangat qilalukkat tamarmik Grønlandshav-imiilersimasarput. Ukiuunerani Scoresby Sundip avataani sikut saatsertuartut akornanniittarput. Qilalukkallu qernertat juni-julimi kangerluup iluani aasisarfimminneeqqilersarput.

*Tunumi qilalukkat qernertat killiffiat*

Tunumi qilalukkat qernertaqatigiit qanoq katitigaanersut Kitaanut sanilliullugu sulii iluamik ilisimaneqarluangilaq, uumassusilerituut qilalugaqatigiit qassiunersut qanorlu agguataarnersut nalorninartikkamissuk. Ukiuni kingullerni qilalugaqatigiit qassiunersut pillugu siunnersuineq nikerarsimavoq. 2011-imi Tunu aqutsiveqarfik ataasiusimavoq, 2015-imi marlunnut avinneqarluni, maannakkullu 2017-imi Tunumi aqutsiveqarfiit pingasunnngornissaanut siunnersuisoqalerluni.

Qilalukkanik qernertanik timmisartumit kisitsisarneq nalunaaqutsersuisarnerlu pillugit siunnersuinermi nutaami Tunumi aqutsiveqarfiit agguarneqarput: Tasiilaq, Kangerlussuaq



aamma Ittoqqortoormiit, taakku pingasut immikkoortillugit aqutsiveqarfinngortillugit, tamannalu mianersornerusumik aqutseriaaseqarnermik isigineqarpoq. Kangerlussuaq aqutsiveqarfik nutaajuvoq.


Qilalugaq qernertaq Kangerlussuarmi 2016-imi qaammataasiat atorlugit

nalunaaqutserneqarpoq, taassumalu kingorna Kangertittivarmut ingerlaarsimavoq,

aallaqqaammullu taamannak ingerlaartumik naammattuugaqarnerulluni.

2016-imi timmisartumik kisitsinerup nalaani Kangerlussuup kujataatungaani qilalukkamik qernertamik ataatsimilluunniit takunnittoqanngilaq, asseq 4 takuuk.

Asseq 4: Toornerit aappaluttut Tunumi timmisartumik kisitsinermi qernertanik naammattoorsinerit.



Siunnersuinerli NAMMCO-p Iisimatuussutsikkut Ataatsimiititaliaannut utertinneqarallarpoq, uumasoaqatigiit qanoq immikkoortinneqartarnerannut suut tunngavissiat atorineqartarnerisut pillugit ilisimatitsinissaallu utaqqineqarluni.

Misissuinerilli takutippaat qilalukkat qernertaqatigiit ikiliartupiloortut, silap pissusaatalu allanngoriartorneranik amerlavallaartunillu pisaqartarnerup kinguneranik eqqugaasut.

#### *Qilalukkat qaortat*

Qilalukkanut qaortat ajornannginnerupput, patsisigalugu tunngaviatigut qilalukkat qaortat katiternerat ataasiinnaallunilu Kalaallit Nunaata Canadallu akornanni avissimammat, taakkulu Somerset Island-ip eqqaani aasaanerani uninngaartarlutik. Taamaattorli nalunartortarisaa tassaavoq qilalukkat qaortat pineqartut marlunnut avittarneri, tamatumanilu qilalukkat qaortat amerlanerit ukiuunerani Pikialasorsuarmi ukiisarmata sinnerilu Kalaallit Nunaata kitaani ukiisarlutik, asseq 5 takuuk.

Asseq 5: Kalaallit Nunaata Kitaani qilalukkat qaortaqatigiit.



Aalisarnermut, Piniarnermut Nunalerinermullu  
Naalakkersuisoq  
Nikkulaat Jeremiassen  
/Maani

Dato: 26-11-2018  
J.nr.: 01.36.01.03-00080

### Aalisakkanik assigiinngitsunik kinguppannillu misileraalluni aalisarneq

UKA2018/168-mik ataatsimiititaliap suliaqarneranut atatillugu:

” Nunatta kujataani aalisarnermut nunamilu inuussutissarsiornikkut periarfissanik tikkuaallunilu suussusersisussamik Naalakkersuisut UKA2019-imi saqqummiunneqartussamik nassuiaasiornissaat pillugu Inatsisartuni aalajangiiffigisassatut siunnersuut.”

Sapaammi ulloq 25. november 2018 Aalisarnermut Piniarnermut Nunalerinermullu Naalakkersuisumit siunersiuilluni ataatsimeeqateqarnermut malitseqartitsissutitut Aalisarnermut Piniarnermut Nunalerinermullu Ataatsimiititaliap kissaatigaa malitseqartitsilluni apeqquteqarnissaq.

Ataatsimiititaliap apeqquteqaatai siunersiuinermi ataatsimiititaliap apeqquteqaataanut atasuupput tassami Aalisarnermut Piniarnermut Nunalerinermullu Naalakkersuisup kissaatigalugu oqaatigimmagu allakkatigut akissuteqarnissaq.

Umiarsuup Helga Mariap Aja Ajap, taanna amuteqqanerani, pisassaasa sinnerinut aalisarnissamut qinnuteqaataanut itigartitsisimanermi suna tunngavigineqartoq ataatsimiititaliami soqutigineqarpoq. ”Pissutsit immikkut ittut” § 6 imm. 1-4 –mut naammassineqarsimannngitsutut naatsorsuutigineqarmat piginneqatigiiffiup naatsorsuutigissagaa umiarsuaatimik ilaasa amutsivimmiinnissaat siunersiuinermi Naalakkersuisut ilisimatitsissutigaaat. Kiisalu umiarsuit allat arlallit pisassatik tamakkereersimagaat imaluunniit tamakkingajaleraat ilisimatitsissutigineqarluni, taamaattumillu Naalakkersuisut pisassat agguateqqikkusunneruaat.

1. Pisassanut sinneruttunut aalisarnissaq siunertaralugu umiarsuaatileqatigiit nunani allani angallatinik attartornissamut kissateqaraangata itigartitsisarneq aalajangersimasumik suleriaasiunersoq Naalakkersuisunit uppersarneqarsinnaavaa?
2. Aja Ajap saarulælinnik pisassaasa sinneri Kalaallit Nunaanni piginneqatigiiffinnut allanut agguanneqaqqinnissaat Naalakkersuisunit uppersarneqarsinnaava?
3. Pisumi uani aalajangersimasumi Helga Maria tulaassisussaataitanermik pisussaaffilissallugu periarfissaasinnaava imaluunniit tamanna inatsisinik unioqqutitsinerua?

Kujataani misileraalluni aalisalluni misileraanissanut sunulluunniit akuersinissamut Naalakkersuisut periarfissaqannginneraaneranut tunngatillugu inatsisunik nalunaarutinilluunniit aalajangersimasunik Naalakkersuit ersarissumik innersuussisinnaanersut ataatsimiititaliamit ugartorneqarpoq.

4. Inatsisit tunngavigalugit innersuussutigineqarsinnaasut Naalakkersuisunit ataatsimiititaliamut nassiunneqarnissaat kissaatigineqarpoq.

Siunersiuinermi ilanngullugu Naalakkersuisut ilisimatitsissutigaat misileraalluni aalisartoqassappat piumasaqaataasoq imartatsinni immikkoortortat siorngatigut misileraalluni aalisarfiusimanginnissaat. Ilisimatitsissutigineqarpoq pineqartumi misileraalluni aalisartoqarsimanera taamaattumillu Kalaallit Nunaata kujataani aalisakkanik assigiinngitsunik peqassuseq Naalakkersuisunit ilisimaneqarluni. Taamaatumik misileraalluni aalisartitsinissamut akuersissummik Naalakkersuisut tunniussinissaat periarfissaqanngilaq.

5. Kalaallit Nunaata kujataata imartaani misileraaluni siornatigut aalisartoqarsimanera Naalakkersuisunit uppersarneqarsinnaava?
6. Kalaallit Nunaata kujataata imartaani sumi misileraaluni aalisartoqarsimanera aalisakkallu suut pineqarsimanersut kiisalu aalisarneq qanga ingerlanneqarsimanersaq Naalakkersuisut ilisimatitsissutigissagaat qinnutigineqarpoq.?
7. Aalisarfissanut nutaanut tunngatillugu killilersuinissaq eqqarsaatigalugu assersutigalugu ukiuni pingasuni imaluunniit tallimani ingerlanneqarsinnaanersaq Naalakkersuisut ilisimatitsissutigissagaat qinnutigineqarpoq.??

Naggatigullu siunersiuinermi Naalakkersuisut ilisimatitsissutigaat Naalakkersuisut akuersissutigisinnaammassuk kinguppantik TAC-mut ilanngunneqarsimangitsunik misileraalluni aalisarnissaq.

8. Tamanna Naalakkersuisunit uppersarneqarsinnaava?
9. Akuersisoqassappat, kinguppantik misileraaluni aalisarnissaq piumasaqaatit suut naammassineqarsimassanersut tamatumunna ilanngullugit inatsisit suut atuuttuunersut Naalakkersuisut nassuiaateqaqqullugit qinnutigineqarput?
10. Kinguppantik misileraalluni aalisarnissamut akuersissummik siorngatigut Naalakkersuisut tuniussinikuuppat?
11. AKuersissoqassappat, imartat suut pineqarnersut Naalakkersuisunit ilisimatitsissutigequneqarpoq?
12. Siunersiuineqatigiinnermi ataatsimiititaliamit Naalakkersuisunut apequtigineqartunut atatillugu allanik Naalakkersuisut ilisimatitsisinnappat?

Aalisarnermut Piniarnermut Nunalerinermullu ataatsimiititaliamit ilisimatitsissutigineqassaaq UKA2018/168 pillugu isumaliutissiissutip tunniunneqarnissaata pingasunngorneq ulloq 28. november 2018-mut kinguartinneqarnissaa Siulittaasoqarfimmut qinnutigineqarsimammat. Kiisalu siunersiuinermi apequtigineqartunut Naalakkersuisut akissuteqaataasa UKA2018/168-imut suliaqarnermut ilanngunneqassasut ataatsimiititaliamit kissaatigineqarpoq.

Tamtumunnga atatillugu ataatsimiititaliamit Naalakkersuisut qinnuigineqarput ataatsimiititaliap apeqquteqaataanut akissuteqaatit sapinngisamik piaartumik kingusinnerpaamillu marlungorneq nal. 10.00 tunniunneqareersimanissaat.

Inussiarnersumik inuulluaqusillunga



Henrik Fleischer

Siulittaasoq



Aalisarnermut, Piniarnermut Nunalerinermullu Ataatsimiititaliaq  
/MAANI

**Aalisakkanik assigiingitsunik raajanillu misileraalluni aalisarneq  
pillugu apeqqutitut akissuteqaatit**

Dato: 27-11-2018  
Sags nr.: 2018-24489  
Akt. nr.: 9407956

Aalisarnermut, Piniarnermut Nunalerinermullu Ataatsimiititaliap 25. november  
2018, siunersiupeqatigiinnitta kingorna apeqqutit arlallit akisassat nassiuppai.  
Taakku tassaapput:

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apn@nanoq.gl  
www.naalakkersuisut.gl

- 1. Pisassanut sinneruttunut aalisarnissaq siunertaralugu  
umiarsuaatileqatigiit nunani allani angallatinik attartornissamut  
kissaateqaraangata itigartitsisarneq aalajangersimasumik  
suleriaasiunersoq Naalakkersuisunit uppersarneqarsinnaavaa?*

Akissut:

Naalakkersuisut uppersarsinnaavaat aalisariutit Kalaallit Nunaanneersut  
pisassiissutit sinneruttut piasinnaangippatigit aalisariutaatillit immikkut  
akuerineqarnissamik qinnuteqataasa akuerineqartannginnerat  
aalajangersimasumik periususoq. Assersuutissaqarpoq aalisariutaatileqatigiiffiit  
Kalaallit Nunaanneersut assersuutigalugu avaleraasartuunik aalisarnermi  
angallatinik nunanit allaneersunit attartorsinnaasut imaluunniit pisassiissutit  
tamakkerlugit aalisarnissaannut angallatit Kalaallit Nunaanneersut  
aalisarsinnaassusaat naammangippat tunitsivinnik umiarsualiisinnaasut,  
Naalakkersuisullu taamaammat taamatut pisoqarnerani nunamit  
sorlermeersuunissamit piumasaqaammit immikkut akuersisarneq periuseqarput,  
tak. Aalisarneq pillugu Inatsisartut inatsisaanni nr. 18., 31. oktober 1996-  
imeersumi (aalisarneq pillugu inatsimmi) § 6 imaluunniit angallammut immikkut  
isumaqatigiissuteqartatut, tak. aalisarneq pillugu inatsimmi § 7.

Naalakkersuisut pisumi uani pingaartinnikuuat ingerlatseqatigiiffiit Kalaallit  
Nunaanneersut arlallit nunatsinneersumit angallatillit aqutsiveqarfimmi Qaqortoq  
Fiship akuersissuteqarfigisaani pisassiissutitik maannakkut tamakkernikuugaat  
tamakkingajalerlugilluunniit. Angallatit Kalaallit Nunaanneersut imatut  
aalisarsinnaassuseqartigaat angallatinik nunanit allaneersunik attartornissaq  
pisariaqarani.

- 2. Aja Ajap saarullinnik pisassaasa sinneri Kalaallit Nunaanni  
pigineqatigiiffinnut allanut agguanneqaqqinnissaat Naalakkersuisunit  
uppersarneqarsinnaava?*

Akissut:

Naalakkersuisut uppernarsarsinnaavat Aja Aajap pisassiissutai sinneruttut ingerlatseqatigiiffinnut Kalaallit Nunaanneersunut allanut agguateqqinneqarnikuusut.

*3. Pisumi uani aalajangersimasumi Helga Maria tulaassisusaaatitaanermik pisussaaffilissallugu periarfissaasinnaava imaluunniit tamanna inatsisinik unioqqutitsinerua?*

Akissut:

Naalakkersuisut aalisarnerup killilersornissaa siunertaralugu akuersissutinik piffissamut killilikkanik pisarineqarsinnaasut annertunerpaaffilerlugit tunniussisinnaapput. Aalisarnek pillugu inatsimmit § 22-mi allaqqavoq akuersissummik pissarsinissamut piumasaqaatitut aalajangerneqarsinnaasoq akuersissummik pissarsinissamut piumasaqaatitut aalajangerneqarsinnaasoq pisat tamaasa ilaalluunniit Kalaallit Nunaanni tunisassiorfimmuut taaneqartumut ataatsimut arlalinnulluunniit tunineqassasut. Taamaalilluni aalisariutaatileqatigiiffik angallammik nunamit allameersumik attartorsinnaavoq, tassungalu peqatigitillugu tamakkiisumik tulaassisusaaatitaassalluni. Periusaavorli aatsaat angallatit Kalaallit Nunaanneersut pisassiissutit tamakkerlugit pisarinissaannut naammanngippata aalisariutaatileqatigiiffiup angallammik nunamit allameersumik attartornissaanik akuerineqartarnera.

*4. Inatsisit tunngavigalugit innersuussutigineqarsinnaasut Naalakkersuisunit ataatsimiititaliamut nassiunneqarnissaat kissaatigineqarpoq.*

Akissut:

Apeqqummut akissutitut ataatsimiititaliap allagaqaataani kingullermi ataatsimiititaliap oqaaseqaatai Naalakkersuisut innersuussutigissavaat, tassani ataatsimiititaliap aalajangersimasunik kissaateqarpoq inatsimmut, tassunga ilanngullugu nalunaarummut, innersuussisoqassasoq, tassani erseqqissumik allaqqassalluni Kalaallit Nunaata kujataani misileraalluni raajarniarnissamik sumilluunniit Naalakkersuisut akuersisinnaangitsut.

Kalaallit Nunaata aalisarnikkut oqartussaaffigisaanni aalisagaqatigiinnik aalajangersimasunik pisarineqarsinnaasut tamarmiusut (TAC) Naalakkersuisut ukiut tamaasa aalajangersartarpaat, tak. Aalisarnek pillugu Inatsisartut inatsisaanni nr. 18, 31. Oktober 1996-imeersumi § 5. Tassunga ilanngullugu raajanik pisassiissutit sinerissap qanittuani angallatinut 43 %-it angallatinullu avataasiortunut 57 %-it aalajangerneqartarput, tak. Inatsimmi tassani § 5, imm. 3.

Pisassiissutit taakku Pinngortitaleriffimmit biologit pisamertut siunnersuisarnerat tunngavigalugu nungusaataanngitsumik aalisarnissamik tunngaveqarput. Misileraalluni aalisarnermut TAC qaangerlugu immikkut

pisassiissuteqartoqassappat nungusaataanngitsumik aalisarunnaarnissamik kinguneqarsinnaavoq.

Misileraalluni aalisarnerit aalisarneq pillugu inatsimmit § 24-imi malittarisassiuunneqarnikuupput, taanna malillugu Naalakkersuisut Pinngortitaleriffik oqaaseqaateqartereerlugu misileraalluni aalisarnermut piumasaaqatinik aalajangiinissamut piginnaatinneqarput.

Misileraalluni aalisarnermut malittarisassat sukumiinerusut Namminersorlutik Oqartussat nalunaarutaanni nr. 8, 8. april 2016-imeersumi aalajangersarneqarnikuupput.

§ 9 malillugu inuussutissarsiornermi misileraalluni aalisarnissamik qinnuteqartut akuersissummik qinnuteqaat immersussavaat taannalu Aalisarnermut, Piniarnermut Nunalerinermullu Naalakkersuisoqarfimmut nassiullugu. Akuersissut nalilersuivinnermik tunngaveqarpoq, tassani tunngaviit uku pingaartinneqarlutik:

1) Qinnuteqaateqartoq pisariaqartinneqartunik piginnaaneqarnerseq aamma inuussutissarsiutigalugu misileraalluni aalisarnissaminut naleqquttumik angallateqarnerseq aamma pisariaqartinneqartunik atortussaqaarnerseq, taamaalilluni siunertarineqartut sapinngisamik pitsaanerpaamik naammassineqarniassammata.

2) Aalisakkanut qinnuteqaatigineqartunut atorineqartussat inuussutissarsiutigalugu misileraalluni aalisarneq naammassisinnaaneraat.

3) Qinnuteqaateqartup angallataa piginnittoqarnermigut Kalaallit Nunaanni angerlarsimaffeqarnerseq.

4) Aalisakkat pineqartut, imartap pineqartup, atortulersuutit teknologiillu misissuiffigineqarnissaat ilumut pisariaqartinneqarnerseq.

Allatut oqaatigalugu, Kalaallit Nunaata kujataani aalisakkanik killilersukkanik assigiinngitsunik peqassuseq ilisimaneqarluarpat, misileraalluni aalisarnissamik pisariaqartitsisoqanngilaq, tamanna pillugu tak. § 9, imm. 1, nr. 4, imaassinnaavorlu aalisakkat killilersukkat nungusaataanngitsumik aalisarneqarsinnaajunnaartut, tak. § 9, imm. 1, nr. 2.

*5. Kalaallit Nunaata kujataata imartaani misileraalluni siornatigut aalisartoqarsimanera Naalakkersuisunit uppersarneqarsinnaava?*

Akissut:

Naalakkersuisut Kap Farvelip kangjata tungaani sinerissami tunngaviusumik killeqarfimmit 3 sømilit avataaniit sineriak tikillugu aalisarfimmi saarullinnik aalisakkanillu allanik arlalinnik 2014-imiit misileraalluni aalisarnissamik akuersinikuupput.

Siusinnerusukkut Paamiuniit kujammut Qaqortumut saattuanik 1996-imi misileraalluni aalisartoqarnikuuvoq kiisalu Nanortallip eqqaani saattuanik 2004-mi misileraalluni aalisartoqarnikuulluni.

6. *Kalaallit Nunaata kujataata imartaani sumi misileraalluni aalisartoqarsimanagera aalisakkallu suut pineqarsimanagerut kiisalu aalisarneq qanga ingerlanneqarsimanagersoq Naalakkersuisut ilisimatitsissutigissagaat qinnutigineqarpoq.?*

Akissut:

Apeqqummut 5-imut akissut innersuussutigineqarpoq.

7. *Aalisarfissanut nutaanut tunngatillugu killilersuinissaq eqqarsaatigalugu assersuutigalugu ukiuni pingasuni imaluunniit tallimani ingerlanneqarsinnaanersog Naalakkersuisut ilisimatitsissutigissagaat qinnutigineqarpoq?*

Akissut:

Sumiiffinni assigiinngitsuni aalisakkanik killilersukkanik assigiinngitsunik peqassuseq ilisimaneqarluarpat nutaamik misissuinissamik pisariaqartitsisoqanngilaq. Taamaalilluni nutaamik misileraalluni aalisarnissamik pisariaqartitsisoqassanersog ilaatigut Pinngortitaleriffimmit biologit siunnersuinerat il.il. apeqqutaassaaq.

Misileraalluni aalisarnermut piffissamut killiliisoqassanersog aalisagaq pillugu Pinngortitaleriffik allanik paasissutissaateqarnersog kiisalu misileraalluni aalisarneq qanoq aaqqissuunneqarnersog apeqqutaapput.

8. *Tamanna Naalakkersuisunit uppersarneqarsinnaava?*

Akissut:

Naalakkersuisut misileraalluni raajarniarnissamik akuersissummi apeqqummut 4-mut akissutip ataani taaneqartunik piumasaqaateqarsinnaapput, ilimananngilarli piumasaqaatit piffissami qaninnermi eqqortinneqarsinnaassasut.

Ilumoorpoq misileraalluni aalisarneq, aamma apeqqummut 4-mut akissummi taaneqartoq, TAC-mut ilaanngitsoq. Taamaammat mianersorluni misileraalluni aalisarsinnaanermut akuersissuteqartoqassaaq, taamaattoqanngippat assersuutigalugu raajanik aalisarpallaartoqariaannaammat.

9. *Akuersisoqassappat, kinguppannik misileraalluni aalisarnissaq piumasaqaatit suut naammassineqarsimanagerut tamatumuuna ilanngullugit inatsisit suut atuuttuunersut Naalakkersuisut nassuiaateqaqqullugit qinnutigineqarput?*

Akissut:

Apeqqummut 4-mut akissut takujuk.



10. *Raajanik misileraalluni aalisarnissamut akuersissummik siornatigut Naalakkersuisut tunniussinikuuppat?*

11. *Akuersisoqassappat, imartat suut pineqarnersut Naalakkersuisunit ilisimatitsissutigeqquneqarpoq?*

Akissut:

Aap, 70°52'5 N avannaani 1986-imi kiisalu Qimusseriarsuarmi 2014-imiit 2016-  
imut misileraalluni raajarniartoqarnikuuvoq.

Qimusseriarsuarmi misileraalluni aalisarneq pillugu Naalakkersuisunut  
ilisimatitsissut ilanngunneqarpoq, tak. ilanngussaq 1.

12. *Siunersiueqatigiinnermi ataatsimiititaliamit Naalakkersuisunut  
apeqqutigineqartunut atatillugu allanik Naalakkersuisut  
ilisimatitsisinnaappat?*

Akissut:

Pinngortitaleriffiup ilisimatitsissutigisinnaavaa Kalaallit Nunaata kujataani  
inuussutissarsiutigalugu raajarniartoqareersoq. Raajarniarnerup sumiiffinnut  
siammarsimanera ilanngussaq 2-imi takussutissiaq 1-imi takuneqarsinnaavoq.

Inussiarnersumik inuulluaqqusillunga



Njkkulaat Jeremiassen

Aalisarnermut, Piniarnermut Nunalerinermullu Naalakkersuisoq

**Aalisarnermut, Piniarnermut Nunalerinermullu Naalakkersuisoq**

17-11-2015

Suliap normua: 8360

**Oqaluuserisassani imm.:** \_\_\_\_\_

**Naalakkersuisunut ilisimatitsissut**

**Qimusseriarsuarmi misileraalluni raajarniarneq, pingaartillugit pineqarput:**

- **Qimusseriarsuarmi misileraalluni raajarniarnissap piviusunngortinniarnerata ingerlasimanera piffissamillu atuiffiusimanera**
- **Kangerlunni misileraalluni raajarniarsinnaanissamut periarfissat**

## **Qimusseriarsuarmi kiisalu kangerlunni misileraalluni raajarniarneq**

### **Qqaluttuassartaa**

Qimusseriarsuarmi misileraalluni raajarniarneq 2.000 tonsinik pisassaqtinneqarluni 2013-imi aallartinneqarpoq. Aalisarneq toqqaannartumik qinnuteqartoqareemikkut aallartinneqarpoq. Aalisarnerup aallartinneqarneranut tunngavigineqarpoq 80-ikkut qiteqqunneraani misileraalluni aalisarsimaneq eqqaassanngikkaanni tamaani raajarniartoqarsimannginnera. Aalisartoqarsimannginneranut patsisaanerpaavoq angallavissap isorartunersua tamaanilu sikut silalu eqqarsaatigalugu atugassarititat pitsaavallaannginneri. Raajartassiissutigineqartartulli ikiliartomerisa peqatigisaanik taavani raajarniarsinnaanissaq tamassumalu misileraaffiginissaa soqutigineqaleriartorpoq.

2014-imi misileraalluni aalisarneq aallartinneqarpoq 2.000 tonsinik pisassaqtinneqarluni. Piffissalli ingerlanerani sinerissap qanittuani ingerlatseqartigiiffinnit ataasiakkaanit saaffiginittoqareernerata kingorna misileraaneq annertusineqarpoq, taamaasiornikkut sinerissamut qanittut ilanngunneqartussanngorlugit. Pisassaritinneqartut 2.000 tonsiusut avataasiortunni ingerlatseqatigiiffinnut agguanneqareersimani pissutigalugit, sinerissamut qanittumut aalisarsinnaanermut akuersissutit eqqarsaatigalugit qinnuteqarfigisinnaasanik pisasseqqinnissaq pisariaqarsimavoq. Assigiimmik agguassinissaq siunertaralugu inuussutissarsiutigalugu aalisarnermi avataasiortunut sinerissamullu qanittuani aalisartunut agguasseriaaseq aallaavigineqarpoq, tassani avataasiortunut 57%-t, sinerissallu qanittuani aalisartunut 43% tunniunneqartarlutik. Tamatuma kingunerisaanik sinerissap qanittuani raajarnianut 1.509 tonsinik pisassiisoqarpoq. Taamaasilluni misileraanissamut pisassiissutit tamakkerlutik 3.509 tonsiulerput.

2014-ip naajortomerani misileraasimaneq nalilersomeqarmat paasineqarsivoq misileraalluni aalisarnermi taavani aalisagaqassuseq eqqarsaatigalugu nutaanik naammattunillu ilisimasaqalertoqarsimanngitsoq. Taamaattumik ukioq manna misileraalluni aalisarnerit aallartinneqartin-nagit suleqatigiissitamik inuussutissarsiuteqartunit inuttalersukkamik, Pinngortitaleriffimmit, naalakkersuisoqarfimmit KANUAANA-miillu ilaasortaaffigineqartumik pilersitsisoqassasoq. Taamaasiortoqarneratigut aalisarnermi anguniakkat taakkulu naammassineqarnissaat eqqaasaatigalugu isumaqatigiittoqareersimanissaa qulakkeemiameqarpoq.

### **MSC misileraallunilu aalisarneq**

Qimusseriarsuarmi misileraanerit 2013-imi aallartinneqarmata ukioq taanna kitaani raajarniarnermi pisat nungusaataanngitsumik aalisarneqarneri pillugit MSC-mik nalunaaqutserneqarput. Taamatut nalunaaqutserneqarneq attatiinneqassappat pingaarutilitut piimasaqaataavoq ukiumut TAC-it kitaani raajarniarnermi aqutsinissamik pilersaarummut akuerineqarsimasumut naapertuuttarnissaat. Aqutsinissamik pilersaarummi allassimavoq TAC-inik aalajangersaanerni biologit siunnersuinerat tunngavigineqartassasoq.

Misileraalluni aalisartoqarnissaa aalajangiiffigineqartillugu TAC-t aalajangersarneqareersimasut avataasigut pisassiisoqartarpoq. Taamaattumik pisasseqqinnissamik aalajangersaanerni

pivusorsiortumik tunngaveqarneq uppersarsinnaasariaqarpoq. Pissaseqqittarneq biologit siunnersuinerat naapertorlugu tamakkiisumik pisassiissutit sipporlugit pisassiinermik tamati-gungajak kinguneqakkajuttarpoq. Taamaattumik ajunngitsumik tunngavissaqarnissaq pingaa-ruteqarpoq. Qimusseriarsuarimi misileraalluni aalisarnermi pivusorsiortumik tunngavigine-qarsimallunilu suli tunngavigineqarpoq, misissuineq Pinngortitaleriffiup ingerlataa biologillu siunnersuinissaanut tunngavigineqartussa 72'30 N avannaatungaani ingerlanneqar-tussaannginera. Taamaakkaluartoq biologit siunnersuinerat Kitaa tamaat eqqarsaatigalugu atuutsinneqarpoq. Taamaattumik taavani misileraanissani ilaatigut siunertarineqarpoq ullumikkut pisassiissutigineqartartunit annertunerusumik siunissami pisassiisoqartalersin-naanersoq.

Taamaattoq ukiut kingulliit marluk piffinni aalajangersimasuni aalisarnerit ingerlanneqartarsi-maneri ajornartorsiutaavoq. Tassa misileraanerit siunertarineqartut eqqortumik ingerlanne-qassappata taava aalisarneq siammameqartariaqarpoq. Taamaattumik paasissutissat Pinngor-titaleriffiup pissarsiarisimasai atorneqarpiarsinnaasimannngillat. Raajanik aqutsinerup februar-imi MSC-mit ukiumoortumik misissuiffigineqarnerani malunnarpoq misileraalluni aalisarneq isornartoqartinneqartoq aammalu pisassiissutinik amerliliiinertut isigineqartoq. Tassani isiginiarneqarnerulluni 2014-imi sinerissap qanittuani raajarnianut 1.509 tonsinik immikkut pisassiisimanerimi tunngavilersuutigineqartut, taakkulu peqataasussanngornerat tunngavissa-qanngitsut isigineqarluni allaallu misileraalluni aalisarnertut isiginiarneqarani.

#### **2015-imi misileraalluni aalisarnissat pivusunnngortinnerat**

Siuliani taaneqartut eqqarsaatigalugit paasinarsisimavoq taavani misileraalluni aalisarniviit qanoq isilluni pilersinneqarsinnaanerisa naammassineqarsinnaanerisalu eqqartorneqarnissaat pisariaqartoq. Tamatuma kingunerisaanik suleqatigiissitamik pilersitsisoqarpoq. Suleqatigiissitami ilaasortaapput inuussutissarsiuteqartut, tassalu aalisartitseqatigiiffiit avataassiortut sinerissap qanittorsiortullu aallartitaat; Pinngortitaleriffik, KANUAANA kiisalu Aalisarnermut, Piniarnermut Nunalerinermullu Naalakkersuisoqarfik. Suleqatigiissitamili sulineq ajornakusoorsimavoq susasaqartutut illuatungeriittut inissisimasut imminnut ungasissorujussuusimmamata. Isumaqatigiissitsiniarneq oqittuinnaa-simannngilaq.

Suleqatigiissitap suliaasa siunertaraat ingerlatseqatigiiffiit misileraanerimi peqataasut sukumiinerusumik misissuinerimik pisussaaffilerlugit misileraalluni aalisarnissamik aallartitsinissaq. Kilisaatit aningaasarsiutigalugu aalisartut pineqarmata suleqatigiissitami eqqartorneqarsimavoq illuatungaaticut pisassiissutigineqartut atugassannngortinneqartut naammassimannngitsut, illuatungaaticullu ingerlatseqatigiiffinnit peqataanissaq immi-nut akilersinnaanngitsoq qanoq isilluni oqimaqatigiissinneqarsinnaassanersut. Ilutigalugu illuatungaaticut mianerisariaqarluni pisassiissutit amerlavallaannginnissaat, MSC-mik akuer-sissut tusaamanerlutsinneqarumanagu. Taassuma malitsigisaanik ilaatigut eqqartorneqar-simavortaaq imartat qanoq annertutigisut inuussutissarsiuteqartunut atugassannngor-tinneqassanersut – tassa kilisaatit ataasiakkaat – aalisarfigisinnaasassaat. Suliat suliassamut atatillugu allaaserinninnissamik suliaqarnissamik naggataaticut inernilerneqarput, tassani pi-masaqaataasut saqqummiunneqarlutillu allaaserineqassapput, taakkulu misileraalluni aalisarnerup naammassineqarnerani naammassineqarsimassapput. Suliassalli allaaserineqar-nerata imassai eqqarsaatigalugit naggatissaa tikillugu oqallittoqarpoq, susasaqartut assigiinngitsut imassaritaasut allannngortikkusuttarsimammaticut.

Tamanna arlaleriarluni pisarsimavoq, taassumalu takutiinnarpaa suliassap allaaserineqar-nissaa eqqarsaatigalugu pi-masaqaataasut eqqarsaatigalugit isumaqatigiissitsiniarsimane-rup

qanoq ajornarsimatigineranik. Pissutsit taamaannerisa kingunerisaanik suliaq sivosoo-  
rujussuarmik suliarineqarsimavoq.

#### **Kangerlunni misileraalluni aalisarnissat**

Aqutsivik raaja TAC-ianut atuutsinneqarfik Kitaa tamaat isigalugu atuuppoq, kangerluit ilanngullugittaaq. Ingerlatseqatigiiffiit sineriammi qanittumi aalisartut taamaasilluni kangerlunni aalisarsinnaanissaat ajornaquteqanngilaq. Qimusseriarsuarmi, raajanut TAC-imut ilaatinneqartup, misileraaffiunissaata aallartinneqarsinnaanissaa tunngavissaqalersoq nalilemeqarpat, misissorneqarnissaanut Pinngortitaleriffiup atortussaqaqannginnera aammalu tamassuma ukiuni kingullerni 30-ni aalisarfigineqarsimannginnera patsisigineqarput. Tamannali kangerlunni atuutinnigilaq. Tamaanimi aalisartoqartareerpoq. Taamaattoq kangerlunni aalisarnerit annertugisassaagunangillat. Paasissutissat biolog-ineersut paasinarsisippaat kangerlunni pisarineqartartut Kalaallit Nunaata sinnerani pisarineqartartunit allaassuteqanngitsut. Taamaattumillu kangerlunni misileraalluni aalisartitsinissat tunngavissaqaqanngillat. Taamatut aalisarneq MSC-mit pisassiissutinik amerliiniertut isigineqassaaq. Tassunga tunngatillugu erseqqissaatigineqassaaq inuussutissarsiuteqartut tamarmik – KNAPK aamma GE – MSC-mik akuersissummik tigummiinnarnissamik kissaateqartuummata.

Ilassutigineqassaaq Naalakkersuisoqarfiup ilisimammagu sinerissap qanittuani raajarniartarsimasunit ataasiakkaanit kissaatigineqarmat raajarniarsinnaatitaaleqqissinaanissaa, tassanilu kangerlunni immikkut pisassiinikkut pisinnaanissaa takorloomeqarluni. Siuliani nassuiarneqartut misileraalluni aalisartitsinissani taamatut pisassiinissaaq tunngavissaqaqanngitsut isigineqarpoq. Tamatuma saniatigut naatsorsuutigineqartariaqassaaq massakkut raajarniaqataasut taamatut suliniuteqarnermut sakkortuumik naamagittaalliuteqarnissaat aalisarnermummi inatsimmi naqissusemeqarmat nunatta kitaani raajartassiissutit massakkut aalisartuusunut agguarneqassasut 57 % avataasiortunut 53% sinerissap qanittuani aalisartunut. Taamatut pisassiinikkut taarsiiffigineqarnissamik suliaqartoqarsinnaanissaa naatsorsuutigineqarsinnaavoq. Raajarniarnermut massakkut appakaakusuttoqarpat tamanna pisassiissutaareersunit pissarsinikkut ingerlanneqartariaqarpoq.

#### **Aningaasaqarnikkut kingunerisassai**

Misileraanissanut pisassiissutit akileraarutit akitsuutillu aqputigalugit Nunatta Karsianut isertitsissutaassapput. Taamaasilluni misileraalluni aalisarneq raajanut akitsuusiisarnerit eqqarsaatigalugit immikkut pineqanngilaq. Raajanut akitsuutit pillugit Inatsisartut Inatsisaat nr. 20, 25. oktober 1990-imeersoq kingusinnerusukkullu allanngortinneqarsimasooq naapertorlugu ingerlatseqatigiiffiit Kalaallit Nunaanni nalunaarsorneqarsimasunik angallatillit pisamik ilaat nunani tunisassiorfinni tunisassiarineqartussanngorlugit tulaatinngisatik akitsuutit aqputigalugit akilertartussaavaat. Misileraalluni aalisarnermit pisassiissutigineqartut 3.000 tonsiusut tamakkerlugit aalisarneqarpat raajanut akitsuutit aqputigalugit Nunatta Karsiata katillugit 6,3 millioner kr.-inik isertitaqarsinnaanissaa naatsorsorneqarsimavoq. Tamatuma saniatigut sinerissamut qanittumi aalisartunut avataasiortullu inuttaanit akileraarutit A-t aqputigalugit isertitsisoqarnissaa naatsorsuutigineqarpoq kiisalu raajanik tulaassiffiusuni aalisakkerivinnit sulisut akileraarutaat A-t aqputigalugit isertitsisoqassaaq.

Akileraarutinit A-nit Nunatta karsiata isertitsissutissai 2,2 millioner kr. Missaaniisangatinneqarput. Taamaasilluni pisassiissutit tamakkerlugit aalisarneqarneratigut Nunatta karsiata 8,5 millioner kr.-inik isertitsisnaanissaa naatsorsuutigineqarpoq.

Tassunga ilassutitut erseqqissaatigineqassaaq akileraarutit A-t aqputigalugit isertitat Nunatta karsiata Kommunillu akornanni avinneqartussaammata. Tamatuma kingunerisaanik

kommunit 5 millioner kr.-inik isertitsisinaanissaat naatsorsuutigineqarpoq. Tamatuma sania-  
tigut aalisarneq aalisariutaatileqatigiit aningaasaqarniarnerannut pitsaasumik sunniuteqassaaq,  
taamaattumillu ingerlatseqatigiiffiit akileraarutigisartagaat aqqutigalugit isertitaqaqqissinnaa-  
nissaq naatsorsuutigineqarsinnaalluni.

Taamaasilluni Kitaani misileraalluni raajarniarnissanut pisassiissutit katillugit 3.000 tons-  
iusut aningaasatigut pitsaasumik sunniuteqassapput.

  
Karl-Kristian Kruse

  
Jørgen I. Olsen

**Ilanngussat**

Ilanngussaq 2  
Bilag 2

Bilag 1 – geografisk udbredelse af rejefiskeriet i 2017

